

बिज्ञन-बिज्ञाना ।

(काव्य)

श्रीआशुतोष दाश गुप्त, महलानबीश
प्रणीत ।

श्री. आन ।

उंरुहै बाबाई न. आन ।


বিজন-বিজয়া ।

(কাব্য)

১৩৩৫.

শ্রী আশুতোষ দাশ গুপ্ত, মহলানবীশ
প্রণীত ।

১৩৩৫.



শিবপুর, হাওড়া ।
কার্তিক, ১৩২১ সাল ।

মূল্য ৥০ আনা ।
উৎকৃষ্ট বাধান ৮০ আনা ।

ହାଓଡ଼ା, ୫ନଂ ତେଲକଲସାଟି ରୋଡ଼, “କର୍ମଯୋଗ ପ୍ରେସ” ଚଢ଼ିତେ
ଶ୍ରୀଯୁଗଳକୃଷ୍ଣ ସିଂହ ଦ୍ଵାରା ମୁଦ୍ରିତ ।

উপহার ।

১৭৭৩

আমার এ অশ্রুসিক্ত

ত্যান্ত কুসুমের ডালা,

“বিয়োগে” বিদগ্ধ শুক

দলিত ফুলের মালা,

তাহার পবিত্র করে

দিব আমি উপহার,

যে আমার ভাস্কাবীণা

গড়িয়া দিবে আবার ।

কানপুর,

১৯১৬ ।

আশুতোষ ।

বিজন-বিজয়া ।

আমার স্ত্রী ।

১৯২০ সনের ১১ই বৈশাখ বরিশাল জেলার অন্তর্গত সরমহল নামক গ্রামে আমার স্ত্রী ৬ বিজন বাসিনী দেবীর জন্ম হয়। তাহার পিতার নাম ৩নৌলকমল সেন গুপ্ত। আমার বিবাহ—সময়ে আমার স্বস্তুর স্বাস্ত্রী জীবিত ছিলেন। তাহাদের পাঁচটি সন্তানের মধ্যে ভবন চারিটি জীবিত ছিলেন ; জীবিতদিগের মধ্যে আমার স্ত্রী সর্বকনিষ্ঠা বলিয়া সকলেরই স্নেহের পাত্রী ছিল। শ্রীযুক্ত তরঙ্গিনী দেবী আমার স্বস্তুর মহাশয়ের প্রথম সন্তান। বরিশাল জেলার পোনা-বালিয়া গ্রামের বিখ্যাত জমিদার চৌধুরী বংশে শ্রীযুক্ত মনোরঞ্জন রায় চৌধুরী মহাশয়ের সহিত তাহার বিবাহ হয়। দ্বিতীয় সন্তান শ্রীযুক্ত বসন্ত কুমার সেন গুপ্ত। তৃতীয় সন্তান শ্রীযুক্ত অনন্ত কুমার সেন গুপ্ত। পঞ্চম সন্তান একটা বালিকা—অকালে তাহার মৃত্যু হয়।

বিজনের বাল্যকালের নাম ছিল “গুণী”। সকলেই তাহাকে “গুণী” বলিয়া ডাকিত। বাল্যকালেই তাহার গুণ সাধারণের প্রাণ স্পর্শ করিয়াছিল—তাই প্রতিবেশী, আত্মীয়-স্বজন, বন্ধু-বান্ধবগণ সকলেই তাহাকে “গুণী” বলিয়া ডাকিত ; ও প্রাণের সহিত ভাল-বাসিত। যাহাকে সকলেই ভালবাসে তাহার একটা বিশেষ গুণ আছে ইহা স্বীকার করিতেই হইবে। সাধারণতঃ উদার, সরল, অমায়িক ও পরোপকারী ব্যক্তিরাই সহজে লোকের চিত্ত আকর্ষণ করিতে পারে।

লোকের চিত্ত আকর্ষণ করার অণু একটি প্রধান শক্তি লোকের কথার
 বান্দা হওয়া। স্বীকার করি প্রায়শঃই সৌন্দর্য্য থাকিলে সহজে লোকের
 চিত্ত আকর্ষণ করিতে পারা যায় ; কিন্তু, উপরোক্ত শক্তিগুলি সৌন্দর্য্য
 বিহীনকেও সৌন্দর্য্য প্রদান করিয়া লোকের চিত্তাপহরণের উপযুক্ত
 করিতে পারে ; পক্ষান্তরে গুণ অশ্রাবে সৌন্দর্য্য প্রায় সর্বত্রই উপেক্ষার
 চক্ষে লক্ষিত হইয়া থাকে। সৌভাগ্য ক্রমে বিজন সেই বালিকা
 বয়সেই সৌন্দর্য্যের সহিত উপরোক্ত গুণগুলির প্রায় সমস্তই অধিকার
 করিয়াছিল ; তাই তাহাকে সকলেই আদর করিত ; যে দেখিত সে-ই
 ভালবাসিত। তাহার প্রতিভা ও বুদ্ধি বেশ তীক্ষ্ণ ছিল। মৃত্যুর
 ১৫.১৬ দিন পূর্বে সে তাহার নিজের জীবনী লিখিতে আরম্ভ করে।
 কয়েক ছত্র লিখিয়া ফেলিয়া রাখিয়া দেয় ; তাহার সেই লেখা হইতে
 কয়েক ছত্র নিয়ে উদ্ধৃত করিতেছি :—

“আমার জীবনী।”

আমি যতখানি জানি তাহা বলিতেছি। আমার যখন ৭৮ বছর
 বয়স তখন আমার মার খুব অসুখ হয়, তখন থেকেই সংসারের কাজ
 কর্ম্ম আমার উপর পড়ে। * * * * আমার বাবা চাকরী করিতেন
 বটে, কিন্তু সংসারের অবস্থা তত ভাল ছিলনা। ভাল কাপড়ে তত কষ্ট
 পাইনি। কিন্তু ইচ্ছামত কাপড় চোপড় কখনও পরিনি। খাওয়াটাও
 ইচ্ছামত বা আদরভাবে খাইনি। কে আদর করিবে ?— মা সর্বদা
 অসুখে পড়িয়া থাকিতেন। তারপর যখন আমার বয়স ৯১০ বছর
 তখন দাদার বিবাহ হয়। বউ * * * প্রায়ই তাহার বাপের বাড়ী
 থাকিত। বউ যখন এখানে থাকিত তখন আমি কাজ-কর্ম্ম একটু কম
 করিলে বাবা খুব রাগ করিতেন। * * * * মা সর্বদা অসুখে পড়িয়া
 থাকিতেন। তারপর আমার ও একটি ছোট বোন ছিল তাহার সন্মানক

ব্যারাম হইল ; বোনটী মরিল, আমি বাঁচিয়া উঠিলাম । আমার
 অদৃষ্টে দুঃখ বলিয়াই আমি বাঁচিয়া উঠিলাম । ব্যারামের জন্ত আমার
 বিবাহ হইতে দেবী হইল । আমার বিবাহ লইয়া বাপ, মা ও ভাইরা
 বড়ই কষ্ট পাইয়াছেন । কোথাও আমার সম্বন্ধ ঠিক হয় না । দেশের
 মধ্যে একটি সম্বন্ধ ছিল, তাহা সকলের মত ছিল না বলিয়াই হইল না ।
 * * * অনেক কষ্টে আমার বাবা ও ভাই বাড়িকাঠী আমার সম্বন্ধ
 ঠিক করেন । উহাদের সংসার যে তত ভাল ছিলনা—তাহা বাবা
 জানিয়াছিলেন ; কেবল ছেলে দোষায় আমার বিবাহ দিলেন । যখন
 আমার বিবাহ হয় তখন সে বেশী কিছু পাড়ত না ; তবে বাঙ্গলা লেখা
 ও ছেলে সুন্দর দেখিয়া আমার বিবাহ দিলেন । বয়স তখন ১৮ বছর—
 আমার পূর্ন ২৪ বছর হইয়াছিল । তারপর স্বস্তুর বাড়ী আসিলাম ।”

(অসম্পূর্ণ) “বিজন ।”

১৩০৪ সনের ৩২শে জ্যৈষ্ঠ রাত্রি চারি দণ্ড থাকিতে আমার সহিত
 বিজনের বিবাহ হয় । বিবাহের সময়ে গ্রামের কয়েকটী ভদ্রলোক বড়ই
 অত্যাচার করেন । মানুষের গুণ ও সৌন্দর্য্য অনেক সময়ে তাহার
 অশান্তির কারণ হইয়া পড়ে । স্থানীয় কোন একটী ভদ্রলোক তাহার
 পুত্রের সহিত হহার বিবাহ দেওয়ার নিমিত্ত বহাদিন হইতে চেষ্টা
 করেন ; কিন্তু যদিও তাহাদের অবস্থা ভাল ছিল ও ছেলে লেখাপড়ার
 উন্নতি করিয়াছিল, তথাপি আমার স্বস্তুর মহাশয় কিছুতেই তাহাতে
 সম্মত হন না । পরিশেষে তাহারা প্রতিশোধ নেওয়ার জন্ত বিবাহের
 রাত্রে কোনও একটা উপলক্ষ ধরিয়া তয়ানক গোলযোগ করেন ।

আমার যখন বিবাহ হয় তখন আমাদের সংসারের পতনের
 অবস্থা । বাল্যকালে আমার জ্যেষ্ঠা মহাশয় মরিয়া যান, তাহার কোন

পুত্র-সন্তান থাকে না। তাঁহাদের পাঁচ ভাইয়ের মধ্যে আমার পিতা দ্বিতীয় ; আমার ৭৮ বৎসর বয়সের সময়ে তিনিও আমাদের দুইটি ভাইকে ও আমার বড় ভগ্নীকে অনাথিনী বিধবার অঙ্কে রাখিয়া মায়া পরিত্যাগ করেন। মা—দিদিকে, আমাকে ও আমার ছোট ভাইটিকে লইয়া আমার খুল্লতাত মহাশয়দিগের উপর নির্ভর করিয়া থাকেন। খুড়া মহাশয়েরাও তখন প্রাচীন। তদবস্থায় তাঁহাদের মধ্যে ২ জনের বিশেষ কিছুই আয় ছিল না, কনিষ্ঠ শ্রীযুক্ত নবীনচন্দ্র কবিরত্ন মহাশয় ব্যবস্থাপক কবিরাজ ও অধ্যাপক ছিলেন। গ্রামে সেরূপ লোকের উপার্জন খুব কমই হয় ; অথচ তাঁহার একার উপার্জনের উপরই সংসার নির্ভর করিত। আমার বড় খুল্লতাত মহাশয়ের একটি পুত্র ছিলেন—তিনি আমার “দাদা”। দাদা তখন কবিরাজী শিখিয়া ব্যবসা করিতে আরম্ভ করিয়াছেন মাত্র ; কাজেই তাঁহার দ্বারা সংসারের কোন সাহায্যই হইত না। এইরূপ দুঃখের সংসারে আসিয়া আমার স্ত্রীকে অবশ্য অনেক কষ্ট পাইতে হইয়াছিল।

১৩০৭ সনের ১৩ই কার্তিক সোমবার আমার একটি পুত্র জন্মে। ছেলেটি অতি সুন্দর ও সুলক্ষণযুক্ত হইয়াছিল। আমি তখনও পড়া শুনা করিতাম, কাজেই দুঃখের সংসারে অত আদরের ছেলেরও অনেক রকমেই কষ্ট হইত। ছেলের মা সব সময়ে কাজে ব্যস্ত থাকিত, আমার মা প্রভূতি সাধ্যমত যত্ন করিতেন বটে, কিন্তু অবস্থার দোষে সে যত্ন প্রকৃত কোনও কাজে আসিতনা। এই ছেলেটির জন্মের পর হইতেই চারিদিক হইতে বিপদ আমাকে ঘিরিয়া ফেলে। শ্রীযুক্ত স্বপ্নর মহাশয় আমার পড়ার খরচের আংশিক সাহায্য করিতেন। ১৩০৭ সনের কার্তিক মাস হইতেই তিনি কঠিন বহুমূত্র রোগে শয্যা-গত হন,—সেই হইতেই তিনি পড়ার খরচ বন্ধ করেন। আমি তখন

প্রাইভেট টিউসন প্রভৃতির দ্বারা ধরচ চালাইতে আরম্ভ করি। ফাল্গুন মাসে আমার স্বস্তুর মহাশয়ের মৃত্যু হয় ও সেই সঙ্গে আমারও জীবনের ভবিষ্যৎ উন্নতির পথ বড়ই সংকীর্ণ হইয়া পড়ে।

১৩০৮ সনের প্রারম্ভেই এত দুঃখের সংসারেও নূতন বিশৃঙ্খলার ও সর্বনাশের সূত্রপাত হয়। স্বস্তুর মহাশয়ের মৃত্যুতেও উচ্চমহীন না হইয়া আমি একটা দ্বিতীয় শ্রেণীর ও একটা চতুর্থ শ্রেণীর ছাত্র পড়াইয়া নিজের পড়া চালাইতে আরম্ভ করিলাম। কিন্তু আমার চেষ্টা ও উত্তম নিয়তির বিরুদ্ধে কার্য্য করিতে পারিবে কেন? ওই আশ্বিন রবিবার আমাদের সংসারের একমাত্র কর্ণধার খুল্লতাত নবীনচন্দ্র কবিরত্ন মহাশয় অকালে আমাদের অকূলে ভাসাইয়া ইহলোক পরিত্যাগ করেন। আমার বড় খুল্লতাত মহাশয় ইহার পূর্বেই আমাদের মায়ার পরিত্যাগ করেন। এই অসময়ের বিপদে আমার মাথায় আকাশ ভাঙ্গিয়া পড়ে। আমি পড়া ছাড়িয়া চাকরী দেখিবার জন্য ব্যস্ত হইয়া পড়ি। আমার মধ্যম-খুল্লতাত মহাশয়ের শরীরের অবস্থা এ সময়ে ভাল ছিল না; তা ছাড়া একমাত্র কনিষ্ঠ সহোদরের মৃত্যুতে ও সংসারের ভাবনায় তিনি ভগ্নপক্ষ পক্ষীর ন্যায় অকর্ণণ্য হইয়া পড়েন। দাদার এমন আয় ছিল না, যাহার দ্বারা সংসার চলিতে পারে। বিষয় সম্পত্তি অল্প যাহা ছিল—তাহাতে যাহা আয় হইত, তাহা মামলা মোকদ্দমাতেই ধরচ হইয়া যাইত। এই দুঃখের সময়ে, এই বিপদের সময়ে, এই হতাশের সময়ে—কে আমাকে সাহায্য দিয়া, উপদেশ দিয়া, সাহস দিয়া, নিজের কর্তব্যপথ দেখাইয়া দিয়াছিল? আমার স্বস্তুর মহাশয়ের মৃত্যুর পর হইতেই কাহার উৎসাহে, কাহার সবল বাহুর প্রবল আলিঙ্গনে বল প্রাপ্ত হইয়া আমি নিয়তির বিরুদ্ধে আত্মোন্নতির চেষ্টা করিতেছিলাম? সে আমার অষ্টাদশ বৎসরের

সহধর্মিণী “বিজ্ঞান” । এই অল্প বয়সে এত বুদ্ধি, এত কর্তব্যজ্ঞান, এত ধৈর্য্য ও এত ভালবাসার সহিত কার্য্যশক্তি ভগবান তাহাকে দিয়া ছিলেন যে—সে ছোট-বড় ভালমন্দ সংসারের সকলেরই শ্রদ্ধার পাত্রী হইয়া পড়িয়াছিল । তাহার বুদ্ধির প্রখরতার, কার্য্য-কৌশলতার ও সাংসারিক শৃঙ্খলতার ভিতর এমন এক আশ্চর্য্যশক্তি ছিল যাহার বলে আমার মা, খুড়ি-মা, এমন কি খুড়া মহাশয়েরা পর্য্যন্ত কোনও একটা সাংসারিক কাজ বোয়ের মত না নিয়া করিতেন না । পরলোকগতা পত্নীর গৌরব বুদ্ধির নিমিত্ত নহে,—কৃতজ্ঞতা প্রকাশের নিমিত্ত ও সত্যের অনুরোধে আমি এ স্থলে একটা কথা উল্লেখ না করিয়া পারিতেছি না । বাল্য-বিবাহে লোকের জীবনের সর্বনাশ হয়, আমারও যে না হইয়াছিল এমন নহে; কিন্তু শুদ্ধ আমার স্ত্রীর ব্যবহারগুণে আমি একেবারে অধঃপাতে যাইতে পারি নাই । আমার ঘটটা আনিষ্ট হইয়াছিল, সে শুদ্ধ নিজের দোষে ও স্ত্রীর উপদেশের বিরুদ্ধে যথেষ্টাচারিতায় । অত অল্প বয়সেই সে আত্মসংযম করিয়া ছাত্র-জীবনে কেমন করিয়া চলিতে হয় আমাকে উপদেশ দিতে আসিত ; আমি কখনও মানিতাম, কখনও বুদ্ধির দোষে তাহার কথা উড়াইয়া দিতাম । বখন বাড়ী আসিতাম—বতক্ষণ পড়াশুনার সময় উদ্ভীর্ণ না হইত—ততক্ষণ সে বিছানা পাতিত না,—বিছানায় শুইয়া কখনও পড়িতে দিতনা । পৃথক আসনে বসিয়া পড়িতাম, দূরে সে বসিয়া থাকিত, এবং নিদ্রা বা তন্দ্রা আসিলে সতর্ক করিয়া দিত ; পড়া শেষ হইলে বিছানা পাতিত । এইরূপ কত কথা বলিব ? সে নিজে কষ্ট করিয়া—আত্মসংযম করিয়া আমাকে ছাত্র-জীবনের নিয়মানুযায়ী কার্য্য করিবার পথ দেখাইত । সময় সময় না বুকিয়া বিরক্ত হইতাম, রাগ করিতাম, অথবা অত্যাচার করিতাম । সে সকল কার্য্যের ভাল মন্দ তখন বুদ্ধি

নাই—এখন বুঝিতেছি। খুল্লতাত মহাশয়ের মৃত্যুর পর হতাশ হইয়া পড়িলে স্ত্রীর উৎসাহ-বাক্যে উৎসাহিত হইয়া আবার পড়াশুনা করিতে যাই। সে বলিত—“আমরা না হয় এক বেলা না খাইয়া থাকিব—তপাপি অল্প কয়েকটা মাসের জন্য তুমি পরীক্ষাটা নষ্ট করিওনা।” মা প্রভৃতি কিছু বলিলে—সে বলিত—“ঈশ্বর একরূপে চালাইবেন” কয়েকটা মাস দেখুন, যদি পাশ করিতে পারে।” সাধ্বী-সতীর কঠোর কর্তব্য-বুদ্ধির সহায়তা করিবার নিমিত্ত তাহার করুণ আবেদনে বুঝি ভগবান কিছু সময়ের জন্য ফিরিয়া চাহিলেন। আমি পড়িতে গেলাম, দাদারও পূর্বাপেক্ষা কিছু বেশী আয় হইতে লাগিল। তাহা দ্বারাই কোনও প্রকারে—শাকভাত খাইয়া অতবড় সংসারের প্রাণ বাঁচিয়া থাকিল। কলেজের অধ্যাপকগণ ও অধ্যক্ষ মহাশয়ের উপদেশে ও উৎসাহে আমিও আবার পূর্বের গায় মন দিয়া পড়াশুনা করিতে লাগিলাম।

যাহা হইবে—তাহার বিরুদ্ধে জোর করিয়া কাজ করিবার শক্তি মানুষকে বিধাতা দেন নাই। “ফী” দাখিল করিয়া বাড়ী আসিলাম। অল্পদিন পরেই কে জানে কোথা হইতে সংসারে কলেরা প্রবেশ করিল। আমার একমাত্র অবশিষ্ট খুল্লতাত পূর্ণচন্দ্র মহলানবীশ মহাশয় কলেরা রোগে অজ্ঞান—এমন সময়ে, ১৩০৮ সালের ১২ই ফাল্গুন তারিখে, আমার পুত্রটির কলেরা হইল। অনেক চেষ্টা করিয়াও বাঁচাইতে পারিলাম না। ১৪ই ফাল্গুন দিবা দ্বিপ্রহরের সময়ে তাহার মৃত্যু হইল। এত দুঃখের ভিতরও এই আকস্মিক বিপদে আমার মা ও স্ত্রী এত অধীর হইয়া পড়েন যে আর তাঁহাদিগকে বাড়ী রাখা নিরাপদ বিবেচনা না করিয়া খুল্লতাত মহাশয় একটু সুস্থ হইবা মাত্র সকলকে লইয়া মাতুলালয় খুলনা জেলার সেনহাটা গ্রামে চলিয়া গেলাম। আমারও যেন মাথা ধারাপ হইয়া গেল; যেন মা ও স্ত্রীর

দৈর্ঘ্যহীনতাই আমার সকল শক্তি অপহরণ করিল। যখন এইরূপ জীবন-মরণের সমস্তার সময়ে সংসার-সাগরে ভাসিতেছি—তখন আমার পরীক্ষার সময় আসিল ও উত্তীর্ণ হইয়া গেল। পরীক্ষা দিতে পারিলাম না। এত কষ্ট করিয়াও যে আশায় বুক বাঁধিয়াছিলাম— তাহার একটীও সফল হইল না। পুত্রশোকের সহিত এই শোক মিশ্রিত হইয়া আমাদিগকে আরও কাতর করিল। আমি মা ও স্ত্রীকে সেনহাটী রাখিয়া এক ধুতি এক চাদর লইয়া চাকরীর চেষ্ঠায় যঙ্গপুর আমার মাতুল শ্রীযুক্ত প্রিয়নাথ গুপ্ত মোক্তার মহাশয়ের নিকট চলিয়া গেলাম। ইচ্ছা,—চাকরী করিব ও “প্রাইভেট” ভাবে পরীক্ষা দিব। কিছুই হইলনা ;—কর্ণধারহীন তরণীর গায় অনেক ভাসিয়া ভাসিয়া পরিশেষে দিনাজপুরে কালেকটারি আফিসে প্রবেশ করিলাম। আহা! আহা! খরচ ও অন্যান্য খরচ প্রায় সমস্তই সেনহাটী নিবাসী দাদা শ্রীযুক্ত সতীশচন্দ্র রায় বি. এল, উকীল ও শ্রীযুক্ত ভূপালচন্দ্র সেন মহাশয়ের সাহায্যে চলিতে লাগিল। ইহাদের নিকট এত প্রকারে উপকার পাইয়াছি যে সে ঋণ আমি কখনও পরিশোধ করিতে পারিব না। যাহা হউক, আমার জীবনের এ অধ্যায়ের সহিত আমার স্ত্রীর জীবনের তত ঘনিষ্ঠ সম্পর্ক নাই ; কাজেই এ বিষয়ে অধিক লেখা বাহুল্য মাত্র।

ইংরাজী ১৯০২ খৃষ্টাব্দের ২৭ শে জুন রাত্রি ১১টার সময়ে আমার একমাত্র অবশিষ্ট বৃদ্ধ, রুগ্ন, খুল্লতাত পূর্ণচন্দ্র মহলানবীশ মহাশয়ের মৃত্যু হয়। তাহার মৃত্যুর পর দাদা কেবল নিজের স্ত্রী ও সন্তান কয়েকটি লইয়া পৃথক হইয়া যান ; সংসারের অপর সমস্ত ভার আমার উপরে পড়ে। আমার পরিবারে মা, স্ত্রী, খুড়ী-মা, নিজের ছোট ভাই, দুইটি খুল্লতাত ভাই, একটা খুল্লতাত ভগ্নী। অল্পদিন পরে আবার

আমার ছোট ভাইয়ের বিবাহ হয়। ভাইদের পড়ান ও সংসার চালান সকলই আমার মাথায় ; কাজেই আমার পরিবার কি সুখে ছিল— তাহা প্রত্যেকেই বুঝিতে পারেন। এইভাবে নিরাশ-বজ্রের নিচে মস্তক রাখিয়া আমার সংসার চলিতে লাগিল ; আমি সমস্ত সাধনা ভুলিয়া এই সাধনার শরীর-মন সকলই বিসর্জন করিলাম।

১৩১২ সনের ৩রা জ্যৈষ্ঠ আমাদের বাড়ী বরিশাল জেলার অন্তর্গত বাউকাঠী নামক গ্রামে আমার একটি কন্যা জন্মে। কন্যাটির নাম একটু বড় হইলে—সে নিজেই রাখিয়াছিল “লাবণ্য।” তাহার নাম আমণ্ড তদনুসারে “লাবণ্য” রাখি ; তবে আদর করিয়া জন্মাবধি ডাহাকে “মাস্তু” বলিয়া ডাকিতাম। এই মেয়ের বয়স যখন ৬ মাস তখন আমি এলাহাবাদ সহরের পশ্চিমে ই, আই, রেলওয়ের সিরাতু নামক স্থানে এসিষ্ট্যান্ট-স্টেশনমাষ্টার। স্টেশনমাষ্টার হইয়া যথেষ্ট টাকা উপার্জন করিবার প্রলোভনে, ও আত্মীয়-স্বজনগণের পরামর্শে মাসাধিক কাজ করিয়াই কলেক্টরের অফিস ছাড়িয়া রেলওয়ে বিভাগে প্রবেশ করি। তথায় প্রথমে টেলিগ্রাফ্ ও পরে স্টেশনমাষ্টারের পরীক্ষা পাশ করিয়া “রেলের বাবু” হই। এই সময়ে ১৩:২ সনের পৌষ মাসে সিরাতু থাকিতেই আমি পরিবার সঙ্গে লইয়া যাই। সেই হস্তে বরাবরই এই বালিকা ও স্ত্রী আমার সঙ্গে থাকে। কত কষ্টে—আমি বিদেশের ও দেশের সংসার চালাইতাম— তাহা মনে হইলে, এখনও চক্ষুর জলে বুক ভাসিয়া যায়। ইহার পর সিরাতু ছাড়িয়া এলাহাবাদে যাই এবং এই স্ত্রী ও বালিকা লইয়া কত স্থানে কত কষ্ট সহ্য করিয়া কত দেশ দেখিয়া বেড়াই এ অবতরণিকা তাহা লিখিবার স্থান নহে। ১৩১৪ সনের ভাদ্র মাসে আমি এলাহাবাদ হইতে বদলী হইয়া বড় ভবিষ্যৎ উন্নতির

আশার কানপুর ডিষ্ট্রিক্ট ট্রাফিক্ সুপারিটেণ্ডেন্ট্ আফিসে যাই ; কিন্তু এই কানপুরেই আমার সকল আশা বিসর্জন করিয়া আসিতে হয় ! ৪০০ বেতনে কানপুর গিয়া অল্পদিন পরেই ৫০০ পঞ্চাশ টাকা বেতন হয় । ৫০০ বেতন হওয়ার পর বিজনের আনন্দের সীমা রহিল না । সে কত উচ্চ আশা করিতে আরম্ভ করিল । সর্বদাই বলিত “এখন আমি সকল দিক বজায় রাখিয়া চলিতে পারিব ।” যত রকমের আশা দুঃখের সময়ে প্রাণের ভিতরে চাপিয়া রাখিতে বাধ্য হইয়াছিল, সুখের আশার প্রথম উচ্ছ্বাসে তাহা প্রকাশ করিতে ও প্রাণের সাধে সংসারের বন্দোবস্ত করিতে আরম্ভ করিল । কত যত্ন, কত আশা, কত ভালবাসা !! কোনও দিন ভাল কাপড় খানি পরিবার অবসর পায় নাই, ভাল খাইবার, ভাল বাসিবার অবসর পায় নাই । প্রাণ-ভরা আশা, বিধাতার প্রাণে তাহা সহ হইল না !

ইংরাজী ১৯০৮ খৃষ্টাব্দের ২ই মে আমি সরকারী কার্য উপলক্ষে দানাপুর যাই, বিজন ও লাবণ্য বাসায় থাকে । ১৫ই মে ভয় পাইয়া বিজনের ও তাহার পরদিন লাবণ্যের জ্বর হয় । পরদিন বসন্তের মত গায়ে উঠে । ১২ই মে রাত্রে আমি বাসায় ফিরিয়া আসি ; পরদিন সকাল বেলা উভয়েরই স্পষ্ট বসন্ত হইয়াছে দেখিতে পাওয়া যায় । এই সময়ে মা প্রভৃতি কেতই কাছে ছিলেন না । আমার মা'র মামাত ভাইয়ের ছেলে শ্রীমান্ নলিনীমোহন সেন গুপ্ত আমাদের বাসায় ছিল । আর চাকর ধুব্রি ছিল । এ ছাড়া একবাড়ীর উপর বাঁকি-পুর নিবাসী শ্রীযুক্ত যতীন্দ্রনাথ গুপ্ত মহাশয় থাকিতেন ; তাহার স্ত্রী নগেন্দ্রবালা দেবীকে আমি “বউ দিদি” বলিয়া ডাকিতাম । তাহার বিবাহিতা ঘরের নাম — প্রমীলা, সেও তখন কানপুরে ছিল । রমেশ যতীন্ দাদার ছেলে । ইহাদের নিকট হইতে আমি যে সাহায্য

গাইয়াছি সে ঋণ কোনও দিন পরিশোধ করিতে পারিব না। ক্রমে রোগ কঠিন হইতে লাগিল ;—কত ডাক্তার দেখাইলাম, মালি আসিয়া ঝাড়িল—পূজা দিল—কিছুতেই কোন ফল হইল না। যতই দিন বাড়িতে লাগিল ততই উভয়েরই অবস্থা অধিকতর শোচনীয় হইতে আরম্ভ করিল। আমি পাষণ বৃকে করিয়া বন্ধু-বান্ধবদিগের সাহায্যে আহার নিভা ত্যাগ করিয়া প্রাণপণে দুই পার্শ্বে দুইটি মূর্ষু বসন্তের রোগী লইয়া তাহাদের সেবা গুরুত্বা করিতে লাগিলাম। কিন্তু আমার সকল পরিশ্রম ব্যর্থ হইল। ইংরাজী ১৯শে মে, ১৩১৫ সনের ৬ই জ্যৈষ্ঠ মঙ্গলবার বেলা দ্বিপ্রহরের পর বিজনের অবস্থা অত্যন্ত খারাপ হইয়া পড়িল। লাবণ্য পূর্ক্বাপেক্ষা আজ আরও অধিক নিস্তেজ হইয়া পড়িয়াছে। এত দিন সে অনবরত মায়ের বৃকে যাইয়া দুধ খাইবার জন্ত কত অত্যাচার করিত,—আজ আর কিছুই করে না। বিজনও অন্য দিন তাহার অত্যাচার সহিতে না পারিয়া কাঁদিত—কাতর চীৎকার করিয়া অস্থির হইত,—আজ আর তাহার সে উৎপাত তাহাকে সহ্য করিতে হইল না। আজ শেষ বিদায়ের দিন! আর “মা” বলিয়া তেমন প্রাণের আবেগে কাহারও বৃকে লাফাইয়া পড়িতে পারিবে না—ভগবান তাহা জানিবার বুঝিবার শক্তি দিলে পাছে কোন অনিষ্ট ঘটে এই নিমিত্তই বোধ হয় আজ তিনি আমার লাবণ্যকে আত্মবিশ্বস্ত করিয়া রাখিয়াছেন! ঈশ্বর আমাকে এই অবস্থায়ও পাষণ হইয়া, কর্তব্যপালনে সমস্ত বিপদ ভূগজ্ঞান করিয়া, শেষ চিহ্ন পর্য্যন্ত অটল অচল ভাবে পর্য্যবেক্ষণ করিবার শক্তি দিলেন। আমি জগতের সকল ভুলিয়া দুই জনের মধ্যস্থলে বসিয়া আমার প্রাণের যে প্রাণ অন্তিম শয্যায় তাহার মুখখানি দেখিয়া দেখিয়া তাহার কষ্ট নিবারণের চেষ্টা করিতে লাগিলাম। ক্রমে অবস্থা অধিকতর খারাপ হইল।

বন্ধু বান্ধবদিগকে খবর দিলাম ; দেখিতে দেখিতে বাড়ী বল্ললোকে
ভরিয়া গেল । যিনি যে ভাবে পারেন আমার জন্ম প্রাণের সহিত কাজ
করিতে লাগিলেন । বসন্ত রোগ হইলে দেশে নিতান্ত আপন যাহারা
তাহারাও ফেলিয়া পালায় ; আর এই স্বদূর প্রবাসে সম্ভ্রান্ত ভদ্রলোকগণ
আগ্রহের সহিত, প্রাণের সহিত, আমার উপকার করিবার জন্ম শুনিবা-
মাত্র অযাচিত ভাবে আসিয়া উপস্থিত হইতেছেন,—ইহা দেখিয়া সেই
বপদের সময়েও আমি কত সন্তোষ বোধ করিয়াছি—কত কৃতজ্ঞতার
সহিত তাঁহাদিগকে ও ঈশ্বরকে ধন্যবাদ দিয়াছি—তাহা প্রকাশ করিতে
পারি না। কিন্তু সকল চেষ্টা ব্যর্থ হইল ! রাত্রি ৯টা ৩৪ মিনিটেব
সময় আমার সংসার আঁধার করিয়া, গৃহ শূন্য করিয়া, আমার সংসা-
রের লক্ষ্মী, জীবনের সার, প্রাণের প্রাণ-প্রদীপ ধীরে ধীরে নিবিয়া
গেল !! আর জ্বলিল না !! ব্যারাম হইবার পর বাড়ীতে টেলিগ্রাম
করিয়াছিলাম ; দাদা ও মা রাত্রি ৯টার সময় আসিয়া উপস্থিত হই-
লেন,—৯টা ৩৪ মিনিটের সময়ে আমার সোণার প্রতিমা যেন তাঁহা-
দের চরণে বিদায় গ্রহণ করিয়া চালিয়া গেল ! যেন তাঁহাদেরই জন্ম
অপেক্ষা করিতে ছিল । যাইবার সময়ে একমাত্র চিহ্ন লাভণ্যকে আমার
মার কোলে দিয়া নিশ্চিত হইয়া যাইবে বলিয়াই বোধ হয় এত বিলম্ব
করিতেছিল ! কাজ হইয়া গেল—সকলই ফুরাইল ! নিষ্ঠুর আমি ! সর্বস্ব
হারাইলাম, তথাপি আমার কাজ শেষ হইল না । যখন আমার স্ত্রীর
মৃত্যু হয়—তখন সে গর্ভবতী ছিল, তাহাতে আবার বসন্তে মরিয়াছে ;
উপস্থিত ভদ্রলোকেরা আগুনে পোড়াইবার ব্যবস্থা দিলেন না ।
ব্যবস্থা হইল—গঙ্গায় ভাসাইয়া বা ডুবাইয়া দিতে হইবে । আমার
এত যত্নের, এত কষ্টের, এত আদরের ধন আমি গঙ্গায় ফেলিয়া
দেব, হয়ত চড়ে ঠেকিবে—শিয়াল, কুকুর, শকুনে মাংস টানিয়া

থাইবে, ভাবিতে সৰ্ব্বশরীর শিহরিয়া উঠিল—শুনিবা মাত্র আপাদ-
 মস্তক অবসন্ন হইয়া আসিল। কিন্তু, কি করিব ? ধীরে ধীরে
 ধৈর্য্য ধারণ করিলাম ; যাহা করিতে হইবে তাহা করিবার নিমিত্ত
 হতাশ-হৃদয়ে সাহসে বুক বাঁধিলাম। ধন্য কানপুর-নিবাসী আমার
 বন্ধুগণ,—আপনাদের সহৃদয়তার—সমপ্রাণতার প্রতিদান আমি
 জীবন দিয়াও করিতে পারিব না। সেই গভীর নিশীথে,—রাত্রি একটার
 সময়, প্রায় ২০ জন সম্ভ্রান্ত পদস্থ ভদ্রসন্তান বসন্তরোগী লইয়া শ্মশানে
 যাইবার নিমিত্ত প্রস্তুত হইলেন। সে শ্মশান কতদূর ? বাসা হইতে পাঁচ
 ছয় মাইলের উপরে। কিন্তু তত গোকের দরকার হইল না। আমি,
 দাদা শ্রীযুক্ত যতীন্দ্রনাথ গুপ্ত, ও বন্ধুবর শ্রীযুক্ত কামাখ্যাচরণ চট্টোপাধ্যায়
 মহাশয়—আমরা এই তিন জনে সেই গভীর রজনীতে ৬জন ব্রাহ্মণ
 সঙ্গে করিয়া গিয়া সোণার প্রতিমা অবস্জ্জন করিয়া আসিলাম। যখন
 কাজ শেষ হইয়া গেল—তখন শরীর অবসন্ন হইয়া পড়িল—শোকে
 অধীর হইয়া পড়িলাম—সব আশা ফুৰাইল !! আমার সাজান বাগান
 শুকাইয়া গেল। ! !

আজ জ্যোতিষীগণের ভবিষ্যৎবাণী সফল হইল। যখন আমি
 ইংরাজী ১৯০১ খৃষ্টাব্দে বরিশাল “রাজচন্দ্র কলেজে” পড়িতাম, তখন
 এক জ্যোতিষবিদ পাণ্ডিত্য আমার হাত দেখিয়া বলিয়াছিলেন—
 “তোমার বয়স যখন ২৩।৩০ বৎসর হইবে—তখন তোমার স্ত্রী মারা
 যাইবে। বিবাহ দুইটি।” ইহার পর ইংরাজী ১৯০২ খৃষ্টাব্দের সেপ্টেম্বর
 মাসে কলিকাতা—দর্জিঁপাড়ার সতীশবাবু নামক এক ভদ্রলোক
 আমার হাত দেখিয়া বলিয়াছিলেন—

“৩০ বৎসর বয়সে চাকরীতে অপেক্ষাকৃত উন্নতি হইবে ; কিন্তু
 এই সময়ে দর্ভমান স্ত্রীর মৃত্যু হইবে।”

ইহার পরে মৃত্যুর ২ মাস পূর্বে এক জ্যোতির্বিদ পণ্ডিত হাত দেখিয়া বলিয়াছিলেন—

“৩০ হইতে ৩৫ বৎসর বয়সের মধ্যে স্ত্রী-বিয়োগ হইবে।”

সকলের মুখেই এক কথা শুনিয়া প্রাণে কতকটা সন্দিক্ত বিশ্বাস রাখিয়াও আমরা উভয়ে কত আশার তুফানে হাসিয়া নাচিয়া চলিতে ছিলাম। ঠিক ৩০ বৎসর পূর্ণ হইতে ৪টী মাস বাকী থাকিতেই জ্যোতিষগণের ভবিষ্যৎ-বাণী অক্ষরে অক্ষরে ফলিল। সৰ্বস্ব দিয়াও আমি তাহার প্রতিবিধান করিতে পারিলাম না !!

সংসারের লক্ষ্মীস্বরূপিণী আদর্শ রমণীরূপে আমি এই কোস্তভমণি হৃদয়ে ধারণ করিয়াছিলাম। একাধারে যেমন সৌন্দর্য্য তেমনি গুণ রাশি। স্বদেশে বিদেশে যে একবার তাহার হাসিময় মুখখান দেখিয়াছে ও তাহার সহিত ক্ষণকালের নিমিত্তও মিশিয়াছে—সে আর তাহাকে ভুলিতে পারে নাই। বিজনের মৃত্যু সংবাদে না কাঁদিয়াছে এমন লোক আমি দেখিতে পাই নাই। এখনও যে তাহাকে স্মরণ করে তাহারই প্রাণে যেন তাহার অভাব-দুঃখ নূতন হইয়া জাগিয়া উঠে।

দরিদ্র গৃহস্থ পরিবারে অসহ্য কষ্ট সহ্য করিয়াও সর্বদা তেমন হাসিমুখে দিন কাটাইতে অতি কম লোকেই পারে। অনবস্ত্রের নিমিত্ত অসহ্য কষ্ট পাইয়া সেরূপ আত্ম অবস্থায় সম্পূর্ণ সন্তোষ অনুভব করিবার শক্তি বিধাতার বিশেষ অনুগ্রহ বাচীত কেহই লাভ করিতে পারে না। তাহার আর একটী এমন আশ্চর্য্যশক্তি ছিল যে আমার প্রতিবেশীগণ মাসিক ৩০০ ব্যয় করিয়া যেক্রপ সংসারের ও আহাৰাদির বন্দোবস্ত করিতেন, মাত্র ২০২২ টাকা হইলেই সে ঠিক তদনুরূপ বন্দোবস্ত করিতে পারিত। প্রতিবেশীগণ ইহাতে আশ্চর্য্য বোধ করিতেন ;

আমি বুঝিতাম দরিদ্রের সংসার প্রতিপালনের নিমিত্ত ইহা ভগবানের অনুগ্রহমাত্র। তাহার এই শক্তিটী না থাকিলে আমি অতি অল্প বেতনে প্রবাসে সপরিবারে থাকিতে, ও দেশে সংসারের খরচ ও ভাইদের পড়া পুনার খরচ কিছুতেই চালাইতে পারিতাম না।

অতি অল্প বয়স হইতেই ধর্মের উপর ইহার প্রবল আকর্ষণ ছিল। ব্রত, উপবাস, স্তব, এ সব একটা না একটা প্রায় প্রতিদিনই থাকিত। সকালবেলা স্নান করিয়া ষষ্ঠীরস্তব না পাড়িয়া জলগ্রহণ করিত না। স্নাত শরীরে যখন তাহাকে এইরূপ ধর্মকাণ্ডা করিতে দেখিতাম—তখন তাহার উপর বীতিমত আমার ভক্তি জন্মিত। কারণ তাহার অবয়বে, বিশেষতঃ মুখখানিতে, এমন একটা স্বর্গীয় প্রফুল্লতা দেখা যাইত—যাগতে ভক্তিভাব ভিন্ন অন্য কোন ভাবের উদয় হইতে পারিত না। পবিত্রতাজ্ঞান এত বেশী ছিল যে নিজে তো দিনের মধ্যে ৩৪ বার স্নান করিয়াও সকল সময়ে আপনাকে পবিত্রা জ্ঞান করিতই না। আমাদিগকেও সন্দেহা পরিষ্কার ও পবিত্র না দেখিতে পাইলে নিতান্ত দুঃখিত হইত। ঘর বাড়ী যখনই অবসর পাইত তখনই পরিষ্কার করিয়া সাজাইয়া গোছাইয়া রাখত। লাবণ্য রাস্তায় বাহির হইলে পা না ধুইয়া ঘরে আসিতে দিত না। কোন অপবিত্র লোকের বাড়ীতে গেলে বা বিছানায় শুইয়া থাকিলে—গা ধোয়াইয়া ঘরে আনিত। যদিও এ জ্বলির বিশেষত্ব কিছুই নাই, তথাপি এই সকল সামান্য ব্যাপার হইতেই তাহার হৃদয়ের পরিচ্ছন্নতার পরিচয় পাওয়া যাইত।

রোগীর সেবায় তাহাকে অল্পান বদনে পরিশ্রম করিতে দেখিয়া অনেক সময়ে কত আনন্দ বোধ করিয়াছি। নানাপ্রকারে তাহার হৃদয়ের উচ্চতার নিদর্শন পাইয়া এমন স্ত্রীরত্ন লাভ সৌভাগ্যের নিদর্শন

বলিয়া মনে মনে কত অহঙ্কার করিয়াছি। সে সব অহঙ্কার আমার চূর্ণ হইয়া গিয়াছে। এত ঐশ্বরিক সৌন্দর্য্য ও শক্তি লাভ করিয়াও পিতার সংসারে বা আমার সংসারে সে কোনও দিন সুখভোগ করিয়া যাইতে পারে নাই। আশায় আশায় দিন গণিতে গণিতে নিরাশাব আকস্মিক তাড়নায় ভস্মীভূত হইয়া উড়িয়া গেল, এ দুঃখ আমার আজীবন থাকিবে, এবং সহস্র ভবিষ্যৎ হাসি ও আনন্দ-উচ্ছ্বাসের মধ্যেও আমার বক্ষে তীব্র আঘাত করিয়া আমার চৈতন্য উৎপাদন করিয়া দিবে;—এবং সেই সঙ্গে আমার সকল সুখ ও সকল আশাব সর্বোপর, দেখিতে দেখিতে জ্বলশূন্য হইয়া যাইবে !!

প্রিয়তমে, বিদায়! কতবার মূর্ত্তের নিমিত্ত, দণ্ডের নিমিত্ত, দিবসের নিমিত্ত, মাসের নিমিত্ত, বৎসরের নিমিত্ত, তোমাকে বিদায় দিতে বুকখানি শতধা, সহস্রধা, লক্ষধা, বিদীর্ণ হইয়া গিয়াছে! কত বার যাই যাই করিয়াও তোমাকে ছাড়িয়া যাইতে চক্ষের জলে চক্ষু ভাসিয়া গিয়াছে—বতক্ষণ দৃষ্টি-পথের সীমার অন্তরালে রহিয়াছি, ততক্ষণ তোমার চক্ষের পলক পড়ে নাই! চক্ষু দিয়া দর-বিগলিত ধারে অশ্রু বর্ষণ হইয়া বুক ভাসিয়া গিয়াছে তথাপি চক্ষে কেহ পলক পড়িতে দেখে নাই! সেই ক্ষণিক বিদায়ের সনে আমি যেন প্রাণের পোণে ষোল আনা তোমার কাছে না রাখিয়া তোমাকে ছাড়িয়া যাইতে পারি নাই! আর আজ শেষ! আজ শেষ বিদায়!! এ বিদায়ের পর আবার মিলন হইবে কি না, তাহা কল্পনায় আনিতে পারি না!!! যে হৃদয় মূর্ত্তের অদর্শনে ভগ্ন অধীর হইয়া পড়িত, যে একটি পলকের ভরে মলীনতার আবরণ দর্শন করিলে শোকে দুঃখে আপন হৃদয়ের সহস্র প্রেম প্রীতি দান করিয়াও পরিভ্রষ্ট হইত না, সেই হৃদয় লইয়া আমার হৃদয়েশ্বরী, আজ তোমাকে শেষ বিদায় দিতে

হইল !!! তবে যাও আমার সংসারের লক্ষ্মী—জীবনের সার !
 যাও তুমি সেই অনন্ত সুখময় প্রদেশে—যথায় রোগে-শোকে কষ্ট
 পাইতে হইবে না, নিরাশার বহ্নিতে দগ্ধ হইয়া চীৎকার করিয়া অস্তিত্ব
 হইতে হইবে না, ধরিত্রীর প্রতারণাময় কলরবে কর্ণ অপবিত্র করিবার
 অবসর পাইবে না ! যদি মানুষের পুনর্জন্ম সত্য হয়, তবে আমার কায়-
 মনোবাক্যে এই প্রার্থনা,—যেন জন্মে জন্মে তোমাকে, অথবা তোমার
 যুক্তির পর আমার জন্ম হইলে তোমার গায়—পবিত্রা, অকলঙ্কিতা,
 রূপ গুণময়ী সাধ্বী স্ত্রীরঙ্গ লাভ করি ; কিন্তু যেন এমন করিয়া আশায়
 দগ্ধ না হইতে হয় ! আমি এই কলুষিত দেহ অবলম্বনে যত দিন
 রহিব ততদিন তোমারই ধানে জীবনের সমস্ত কর্তব্য বিসর্জন করিয়া
 বাইতে পারি, ভগবান যেন আমার সেই আশায় হস্তক্ষেপ না করেন—
 ঠিকাই আমার একমাত্র প্রার্থনা । তোমার নিকট আমি অনেক গুরুতর
 অপরাধ করিয়াছি—তজ্জগৎ আমি অনুতপ্ত । তুমি সেই সকল অপরাধ
 বিস্মৃত হও !!!—আমাকে ভালবাসিও, আমাকে মনে রাখিও । আর
 আমার কিছুই বলিবার নাই । আমার মনে বড়ই দুঃখ রহিল তোমার
 একখানি ফটোগ্রাফ রাখিতে পারিলাম না । একবার ফটোগ্রাফ
 তুলিয়াছিলাম, তাহার নেগেটিভ কাচখানি ফটোপ্রস্তুত করিবার পূর্বেই
 ফটোগ্রাফারের ভাই ভাঙ্গিয়া ফেলিয়াছিল । তারপর তুলিব তুলিব
 ভাবিতে ভাবিতে সব বাসনা কোরকেই বিনষ্ট হইয়া গেল ! তোমার
 সর্ব অবয়ব একত্রে মনে আনিতে পারি না, এতদপেক্ষা অধিক দুঃখ
 বুঝি আর কিছুই নাই!! নিষ্ঠুর ভগবান্, এই সামান্য বাসনাটীও
 আমার সফল করিলে না !!!

১৭ই আশ্বিন, :৩১৬ ।
 কানপুর ।

তোমারই পরিত্যক্ত—
 আশুতোষ ।

৩৭৭৫



বিজ্ঞান-বিজয়ী ।

ভাঙ্গিয়া গিয়াছে বীণাটী আমার,—
এ বীণায় আর নাহিক তান ;
নীরব সেতার পাখোয়াজ আজি,
নীরব নিরুমে কাঁদিছে প্রাণ !

প্রাণের ভিতরে কি বজ্রবেদন,
কারে বা কহিব, কে আছে আর ?
হৃদিশূন্য করি চলিয়া গিয়াছে
আমার বলিতে যে ছিল আমার !!

কত প্রাণপণে করিছু যতন ;
আহার-নিদ্রা করিয়া বর্জন
দিবা নিশি বসি রুগ্ন যুধশশী
ভগ্নহৃদয়ে করিছু দর্শন ।

কত আঁখিজলে এ পোড়া স্তন
 ভাসিত ! তথাপ, বাঁধিয়া বুক
 অদম্য আশায়, সেবিতাম তারে
 সতত তাহার নাশিতে হুঃখ ।

গেছিলু বিদেশে, হতভাগ্য আমি,
 একাকিনী গৃহে ফেলিয়া তার ;
 অশুষ্ক সে ছিল বাইবার কালে ।
 একপে কেহ কি ফেলিয়া যায় !

কিস্ত ভাবি নাই—কভু বুঝি নাই—
 এমনি করিয়া ভাঙ্গবে কপাল !
 কর্তব্যের দায়ে গোঁছলু চলিয়া ;
 বলোঁছিল “এমো সকাল সকাল ;

দোরি করিওনা, প্রান্ত (১) আমার,
 আমার শরীর ভাল না ।
 মোর মাথা খাও, কাজ হ'রে গেলে
 পলমাত্র কোথা থেক না ।”

আমি ব্যস্ত-হৃদে কর্তব্য অপূর্ণ
 ফেলিয়া ধাইয়া আসিলু তাই
 যে ভয় করিয়া, ঠিক তাই হ'ল ;
 আসিয়া দেখিলু সে হাসি নাই !

(১) প্রান্ত = প্রাণ + টী = প্রাণ্টি = প্রান্ত ।

কাতর বেদনে, অস্থির অধীর
পড়িয়া শয্যার পরে ;
বুকে বুক দিয়া জিজ্ঞাসিলু “প্রাণ”,
গলাটী জড়ায়ে ধরে,

“কি হয়েছে, বল, বেশীতো হয়নি ?”
বালিল উত্তরে,—হৃদয় কাঁপে ;
এখনো স্মরণিতে সেট কণ্ঠস্বর,
দেখিলু তাতার শরীর তাপে

হইতেছে দক্ষ,—কাতর কণ্ঠে
“দিওনা দিওনা শশীরে হাত !
সর্ব শরীর বেদনে অস্থির ;
দেখিও রজনী হ’লে প্রভাত

গায়ে কি বাহির হয়েছে আমার ;
সকলেত হাম বলে ;
কিন্তু আমি বুঝি—এ তো হাম নয়,
এত ব্যথা হাম হলে ?”

পার্শ্বে স্বর্ণলতা-প্রতিমা আমার
ক্ষুদ্র বালিকা ; তাহারো দেখি
দহিতেছে জ্বরে সর্ব অঙ্গ,
নিস্তরু পড়িয়া—মেলেনা আঁধি ।

বলিল বিজ্ঞান “উহারো হয়েছে

জ্বর আজিকে সকাল হ’তে ;
পোড়া’মুখী—কত বকেছি মেরেছি,
নিষেধ করেছি দুধ না খেতে ।

কিছু ওরে জান, চব্বিশ ঘণ্টা

থাকিবে আমার বুকের পরে ;
জ্বালায়ে মেরেছে দিন রাত্রি মোরে ;
কেবা ছিল, কেবা রাখিবে ওরে ?

কপাল ! আমার হইয়াছে জ্বর :

কিইবা করিবে একাকী তুমি !
কপালে কি দুঃখ লিখিয়া এসেছি
কারে বা কহিব, অভাগী আমি !”

* * * *

বুদ্ধিলাম—চিন্তিলাম স্থির ধীর মনে,

হইল স্মরণ

একে একে মোর অক্ষরে অক্ষরে

পূর্ব স্বপন ।

সাতটা দিনোতো হইলিকো গভ

তাহার পরে ;

সত্য কি দেখেছি ? সত্য কি স্বপন ?

আমার তরে

আছে কিহে লেখা—সত্য সেই বজ্র-
বিচ্যুত অনল-শিখা ?
নাহি দেখিলাম আদি অন্ত তার ;—
নয় কি সে মরীচিকা ?

সত্যই কি মোর অন্ধ হইতে
ব্যাপ্ত আসিয়া
মোর হারাধনে উদ্বৃত্ত হইবে
লইতে কাড়িয়া ?

সাতটী দিনোতো হয়নিকো গত,—
দুই দিন দুইবার
দেখিছু যে স্বপ্ন, অদ্ভুত তেমন
কখনো দেখিনি আর ।

প্রথম দিবসে স্বপ্নে দেখিছু—
গিয়াছি প্রবাসে,—
অজানা অচেনা অচিন্ত্য সে দেশ
নিভৃত নিবাসে ।

তৃণ-আচ্ছাদিত কুটীরআবলি,
চারি দিকে বিভীষণ
বন-জঙ্গলে বেষ্টিত সে দেশ ;
ছিলনা একটী জন

সঙ্কেতে আমার ;—এক মাত্র আমি—

অঙ্কেতে লাবণ্য মোর ;

কেমনে ফিরিয়া আসিব একাকী ?

সাক্ষ্য আঁধার ঘোর

বেষ্টিয়া রয়েছে সে ভীত প্রদেশে :

কহিলু তাদের আমি—

—পরান কাঁপিছে এখনো স্মরিতে,

জ্ঞানেন অন্তর্যামী,—

কহিলু—“একাকী যাইতে নারিব,

সঙ্কে এস একজন ;

ভয় হয় মনে, ব্যাঘ্র ভল্লুক-

সমাকীর্ণ এই বন ;

কেমনে তোমরা থাক এই দেশে

বুঝিতে না পারি ।”

বলিতেই কোন এক ভদ্র লোক

অগ্রে অগ্রসরি

ডাকিল আমারে. বলিল “চলহে,

আমি সঙ্গে যাব ; ভয়

কি আছে তোমার হিংস্র জন্তুরে,—

এত কাছে লোকালয় !”

চলিলাম সঙ্গে, অক্কেতে আমার

আমার কুসুম ক্ষুদ্র ;

ছুই পার্শ্বে বন ভীষণ-দর্শন;

পশেনা সেথায় রৌদ্র ।

কিছুন্বে যেতে দেখিছু সম্মুখে

ভীষণ দর্শন

কানন হইতে বাহিরিল ব্যাঘ্র ;

অচল চরণ !

এক পদও অগ্নি না পারি সরিতে,

সঙ্গী যিনি তিনি তথায় নাই ;

ভয়ে প্রাণ নিয়ে গেছে পলাইয়ে !

চিন্তনু কেমনে নিস্তার পাই !

সংসা হৃদয়ে শক্তি আসিল,

বুঝিলাম—এই শেষ,—

উন্নত পরাণে ডাকিনু ঈশ্বরে—

“কোথা আছ—পরমেশ,

রক্ষাকর এই করাল কবল

হইতে আমার কুসুমটিকে ।”

আহা ! ক্ষুদ্রলতা নিদ্রিতা তখনো

বন্ধে আমার মস্তক রেখে !

করণ রোদন শুনিলেন তিনি,
 আসিল শক্তি হৃদয়ে ;
 কি জানি কেমনে দ্বিগুণ সাহসে
 আসন্ন-বিপদ-সময়ে

পূরিল আমার চিত্ত দুর্বল ;
 এক দৃষ্টে ব্যাঘ্র পানে
 রহিলু চাহিয়া স্থির, অচঞ্চল,
 সবল—কঠোর প্রাণে ।

ধীরে—অতি ধীরে বন্ধ হইতে
 লাবণ্য-কুসুমের সরয়ে,
 লইলু তাহারে পৃষ্ঠদেশে মোর,
 স্নেহ-বিগলিত হৃদয়ে ।

দেখিলাম ব্যাঘ্র দাঁড়াইয়া স্থির,
 নাহি হয় অগ্রসর ।
 আমিও তখন সরিতে লাগিলু
 এক পদ আর পর

চক্ষু রাখিয়া চক্ষে তাহার ;
 এইরূপে কিছুক্ষণ
 চলিতে চলিতে করিলাম আমি
 বহুদূর আগমন ।

সহসা তখন ভাঙ্গিল নিদ্রা,
 নিশ্চরু রহিলু পড়িয়া ;
 নাই সে কানন—ব্যাব্র ভীষণ ;
 পার্শ্বে বিজ্ঞান শুইয়া ।

*

*

*

গেল সে রজনী—গেল পরদিন—

আবার দ্বিতীয় রাতে

দেখিলু স্বপন ; প্রতি রোমকূপ
 কণ্টকিত হয় গাত্রে

স্মরিতে সে স্বপ্ন অচিন্ত্য অকল্প্য ;
 দেখিলু অজানা দেশ

মরুভূমি প্রায় পূর্ণ বালুকার ;
 বালুকার নাহি শেষ ।

তাহার মাঝারে চলিয়াছি আমি,
 নাহি মোর কোন লক্ষ্য ।

কিছু দূর যেতে পেলু লোকালয় ;—
 উল্লাসে পূরিল বক্ষ ।

অতিথি হইলু আশ্রমে একের
 অতীত-দ্বিতীয়-প্রহরে ।

গৃহস্থ কহিল “সিনান করিয়া
 আইস ফিরিয়া সহরে ।

বিজন-বিজয়া ।

পূর্বদিকে যাও ; কিছু দূর গিয়া
 দেখিবে সুন্দর দরিয়া ;
 উহার সলিলে সিনান করিয়া
 সত্বর আইস চলিয়া ।”

আমি চলিলাম পূর্ব অভিমুখে
 অনন্ত বালুকা বহিয়া ।
 গেলু বহু দূর ; কত শত মাঠ
 রহিল পশ্চাতে পড়িয়া ।

কিন্তু নদী নাই ! “নদী কোথা পাই ?”
 জিজ্ঞাসিলু এক জনে ।
 সে মোরে বলিল “নীচে চলি যাও ;
 আছে নদী ওই ধানে ।”

অতি উচ্চ,—ঠিক পাহাড়ের মত
 উচ্চ বালুকার চর ;
 ভাগুর নিকটে, ক্রান্ত পরিশ্রান্ত,
 হইলাম অগ্রসর ।

যেমতি মানব পাহাড় হইতে
 সমতল ভূমি দেখে,
 তেমতি দেখিলু ; কিন্তু সলিলের
 চিহ্নটি প’লনা চোখে ।

ধীর পদক্ষেপে—সত্তরে তথাপি—

করিয়া অবতরণ

বহুক্ষণ. পরে অস্পষ্ট নয়নে

করিলাম দরশন—

এক—বোরা কৃষ্ণানদী, যমুনার জল

তার কাছে কৃষ্ণ নদ ।

দেখিয়া সে নদী বিজ্ঞান সে দেশে

পাঠিলু ভীষণ ভয় ।

চকিত হৃদয়ে অতি বাস্তবে তবু

করিয়া অবগাহন,

ললিত হইতে ত্রস্তে উঠিয়া

করিলাম দরশন,—

গোধূলির মত আধ অন্ধকারে

আছন্ন গগন ধরনী ;

কি যেন ভীষণ বিভীষিকা-রাশি

আসিছে গ্রাসিতে অবনী ।—

সহসা আমার পড়িল দৃষ্টি

নদীর অপর পারে ;—

এখনো সে স্মৃতি তেমনি আঘাত

করিছে হৃদয়-দ্বারে,—

প্রশ্নে যমুনার সমতুল্য নদী,

অপর তীরে তাহার

দেখিলাম শত মৃতের মুরতি,—

পেরেতের হাহাকার !

কোথাও পড়িয়া কঙ্কালের রাশি,

শৃগাল, শকুনি, গৃধিনী

পার্শ্বে তাহার ঘুরিছে ফরিছে,—

প্রলুক পিশাচ পরাণী ।

করিছে চীৎকার—বিভৎস আকার !!

দ্রুত পাদক্ষেপে আমি

উঠিলাম তীরে চক্ষু মুদিয়া ;

জানেন অন্তর্ যামী

সে দৃশ্য দেখিয়া চৈতন্য আমার

হয় নাই অপগত

কেন, বহুপিও পরাণ আমার

হইল মরার মত

নিস্তেজ—অবশ ! দেখিলাম পুনঃ

উন্মিলিয়া আঁধি ধীরে,

কত—কবন্ধ-আকার তখনো চীৎকার

করিছে অপর তীরে !

জলচর পক্ষী উড়িছে পাড়িছে,

করিছে উচ্চ চীৎকার ;

সকলি ভীষণ—ভীষণ-দর্শন ;

চারিদিকে হাহাকার !!

আর নারিলাম তিষ্ঠিতে তথায় ;

আমি মুদিয়া নয়ন

মূর্ত্তে উন্নত অবশ পরাণে

করিলাম পলায়ন !

* * * * *

ক্রমে আসিলাম সেই গৃহস্থের

আশ্রমে ফিরিয়া ।

চক্ষুঃ উপর সে দৃশ্য আমার

তেমনি ষিরিয়া

রহিল । তা'পরে হইলাম সুস্থ ;

দেখিলাম বারেন্দায়,—

গৃহস্থের বাড়ী নিমন্ত্রণ যেন,

কত লোক আসে যায় ।

দীর্ঘ—অতি দীর্ঘ—অল্প-পরিসর

বারেন্দার মাঝখান ;

সুদ্র এক গর্ভে তাহার ভিতরে

সর্প এক—গুফপ্রাণ ।

অর্ক বাহিরে রয়েছে গর্তের,

করিতেছে প্রাণপণ

বাহির হইতে ; কিন্তু—গর্ত মধ্যে

কেহ যেন আকর্ষণ

করিছে তাহারে টানিয়া লইতে

সজোরে গর্তের ভিতরে ;

সর্পটীও তার সাধ্যমত বলে

চাহিছে আসিতে বাহিরে ।

ক্ষুদ্র-দেহ সর্প, শ্বেত-বরণ,

সহসা জিনিয়া সমরে.

সজোরে ছুটিয়া পড়িল আসিয়া

আমার চরণ উপরে ।

প্রাণ শুকাইল তখনি আমার,

ভাঙ্গিল স্বপন ঘোর ।

নিদ্রা ছুটিল, চক্ষু মেলিলু ;—

তখনো হয়নি ভোর ।

আকুল পরাণে ভীতিবিহ্বলিত

ডাকিলাম “প্রান্ত, প্রান্ত !

শীঘ্র ওঠ, মোর বুকে দেও হাত,

পরাণ কাপিছে কিন্তু ।

দেখিয়াছি আমি অতি কুস্বপন !

পাগলিনী অতিব্যস্তে

“কি, কি ? ওমা ! কি হ'লো আমার ?”

বলিয়া উঠিয়া ত্রস্তে

মাস্তুরে * রাধিয়া এক পার্শ্বে তার,

বক্ষে আমারে টানিয়া

নিয়া জিজ্ঞাসিল “কি, কি হয়েছে ?”

মু'খানি উপরে রাধিয়া

চাঁদিয়া-শুভ্র মু'খানি তাহার ;—

হৃদয় পুড়িয়া যায়

আজি তার সেই প্রেম-আলিঙ্গন

স্মরিয়া আমার, হায় !

কে আর আমারে তেমন আদরে

বক্ষে লইবে টানি,

মাতৃ-ভ্রাতৃ-স্নেহ—দম্পতীর প্রেম

পূর্ণ একত্রে আনি ?

যে যায় সে যায় ; তার কিবা আর ?

রহে যে সে থাকে কাঁদিতে ;

ধরিত্রীর এই কলুষতাময়

বক্ষ মাঝারে পুড়িতে

* মাস্তুর = মণি + টী (আদরে) ।

তার পরিভ্যক্ত অনলের শিখা

সর্ব শরীরে পুরিয়া,

দাবানল, কভু তুধানল সম,

জলিয়া পুড়িয়া মরিয়া !

শত শান্তি-তারে জোগাইয়া দেও,

দেও নন্দনের মন্দার ফুল ।

কিছুই তাহার লাগিবেনা ভাল ।

যে যায়—সে যায় ! তাহার তুল

আর নাহি মিলে বিশ্ব খুঁজিলে ;—

সে অভাব কভু পোরেনা আর ।

যত কিছু আন,—হোক শ্রেষ্ঠতর,—

তথাপি তাহার ভালবাসার

সমতুল্য কিছু হইতে পারে না ।

মানবের সাধ্যাতীত

মারার এ খেলা বুঝিবার কভু,—

এ যে কল্পনা-অতীত ।

* * * * *

জাগ্রত-স্বপনে এখনো আমার

কাঁদিছে অন্তর,—

কেমনে সোহাগে, সমবেদনায়,

মু'খানি উপর

যু'থানি রাখিয়া, বক্ষ আমার

বক্ষে তাহার চাপিয়া,
“কি, কি হয়েছে ?” বলি পাগলিনী প্রায়
উন্মত্তে আছিল চাহিয়া !

সেই শেষ নিশি ! সেই শেষ মোর !!

সেই শেষ আলিঙ্গন !!!
আরতো আমারে ধরা কলুষে
করিবে না দর্শন !

আমি ধীরে ধীরে, সত্য হৃদয়ে,

স্বপ্ন ইতিবৃত্ত তারে
কহিলাম, ছাড়ি দীর্ঘনিশ্বাস
তাহার মুখের পরে ।

নিস্তরু — নিশ্চল ক্ষণ মাত্র পরে

কহিল—“পাগল নাকি !
স্বপ্ন কভু সত্য ? স্বপ্ন সত্য নয়;
সকলি মনের ফাঁকি ।”

কহিলাম আমি “সাপ তো সন্তান,—

সন্তান গর্ভে তোমার;
তার কোন দোষ—কোন অমঙ্গল
না হয় যেন আবার ।

অথবা আমার লাবণ্যকুম্ব—

তার যেন কোন ভয়
না হয় আমার থাকিতে জীবন ;
সে যেন শান্তিতে রয় ।”

মন ফিরাইতে বিজ্ঞান তখন

হাসিয়া আদরে,
“বল দেখি মোর কি হবে এবার ?”
জিজ্ঞাসিল মোরে

আমি বলিলাম “হবে কণ্ঠা এক,—

দ্বিতীয় লাবণ্যরানী ।”
শুনিয়া তাহার গস্তীর হইল
সুন্দর বদন ধানি ।

কল্পিত-বিগমে নিম্মুক্ত-হৃদয়ে

উত্তর করিল তায়,—
এখনও কর্ণে সেই কণ্ঠস্বর
তেমনি বাজিছে হায় !—

“আর—মুখে আনিওনা কণ্ঠার কথা;—

কণ্ঠা চাহিনা আমি ।
কি বেদনা মোর প্রাণের মাঝারে
জানেন অন্তর্যামী !

বড় আদরের শান্তি-হাসিময়

আমার প্রথম পুত্র ।

ভেমন সুন্দর—প্রতিভার ছবি—

আর না দেখিনু কুত্র ।

যতনের ধন ছিল আমাদের

প্রথম সন্তান ;

কত্যা কি কখনো পারে এ জগতে

সে পুত্রের স্থান

করিতে পূরণ ? সে যদি থাকিত

সাত বছরের আজি

হইত, যাইত পাঠশালে মোর

বসন ভূষণে সাজি ।

সকলের ছেলে সাজিয়া গুজিয়া

পাঠশালে যবে যায়,

আমার পরাণ উঠে যে কাঁদিয়া

পাগল স্মরিয়া তারি!'

আমি দেখিলাম আঁধি ছল্ ছল,

চক্ষু এসেছে জল ।

যত্নে মুছাইয়া দিলাম নয়ন

টানিয়া আনি অঞ্চল ।

বক্ষে রাখিয়া যু'খানি সুন্দর,

রহিলু পড়িয়া ।

মস্তকে তাহার অবিরল ধারে

অক্ষ ঝড়িয়া

পড়িল; উভয়ে উর্ছলিত শোকে

কাঁদলাম পুনঃ কত ।

উঠিয়া দোঁধলু সেই কাল-নিশি

তখনো হরনি গত ।

ক্রমে রাত্রিশেষে সূর্য্য-আলোকে

জাগিলাম সবে ।

পক্ষী ডাকিল, জগৎ গাহিল

আনন্দের রবে ।

ক্রমে সংসারের কাজে ব্যস্ত সবে,

উপশম-হৃদি-দুঃখে

তত বিভীষিকা—স্বপ্নের মতন—

আর না রহিল চক্ষে ।

আশাই সংসারে মনুষ্যের সুখ

করে শান্তি আনয়ন ।

আশাই জীবের সর্বদুঃখহারী ;

বিস্মৃত-শোক-বেদন

আশার আলোকে হেরিয়া মানব

নবীন মগুর চিত্র,—

প্রহেলিকা যত,—খাইছে সংসারে

আশার দিবস রাত্রি ।

মাতা সন্তানের শোক-দাব-দাহ

আশায় চাহিয়া ভুলে,

পতি পত্নীণেকে, পত্নী পতির-

অভাব-জনিত শূলে ।

আশা ঈশ্বরের স্থিতিস্থাপকতা

কার্য্য করিবার তরে ;

আশা-ঈশ্বরদূত বেশে তাই

ফিরিছে সদা সংসারে ।

সকল বৈষম্য সাম্য করাই

তাহার প্রধান কাজ ।

তার কাছে নাই রোগ, শোক, ভয়,

মান, অপমান, লাজ ।

* * * * *

আ'ম—যাইবার আগে সংসারের কাজ

কষ্টে করিতে দেখিতাম তায় ;

কাম্পিত দেহ, বিগুঞ্চ বদন,

অসক্ত অলস অবশ প্রায় ।

দাঁড়াতে বসিত, বসিতে মাটিতে

এলায়ে পড়িত দেহ ।

কি বিষম বিষ পশেছিল দেহে

বুঝিতে ছিলনা কেহ !

আমি জিজ্ঞাসিলে কিছু বলিতনা ;

বলিত “কিছুই নয় ।”

জানিতাম আমি প্রকৃতি তাহার ;

পরানে হইত ভয় ।

স্ত্রী জাতির এক সাধারণ রোগ

প্রকৃতি গত,

অসুখ হইলে প্রকাশ করিতে

যেনই কত

কষ্ট তাহাদের হয় বা পরানে,

কত লজ্জা অপমান !

কিছুতে প্রকাশ শরীরের গানি

করেনা গেলেও প্রাণ ।

শেষে যবে হয় ব্যাধি অসাধ্য,

প্রকাশ হইয়া পড়ে ।

প্রাণ নিয়ে শুধু টানা টানি করা

তখন প্রাণের ভরে ।

উদ্দেশ্য ইহার বুঝিতে না পারি,

রমণীর কি বা পণ,

কেনবা এমনি করিতে প্রস্তুত

অনর্থক বিসর্জন

আত্ম জীবন অপরের তরে ;

ম'লেও কষ্ট দিতে

চায়না অপরে—আত্ম-সুখতরে—

জ্ঞান বিশ্বাস মতে ।

হিন্দু রমণীর হেন আত্মত্যাগ,

এ হেন ধম্ম মহান্,

বাধিয়া রেবেছে আজিও জগতে

আমাদের মৃত প্রাণ ।

প্রতি কার্যে তার আত্ম-স্বার্থত্যাগ,

প্রতি কার্যে তার পরের তরে ;

পরকে আপন আপনারে পর

এমন জগতে কেহ না করে ।

রোগে শোকে বন্ধু, জীবনে মরণে

হিন্দুর রমণী গৃহের সার ।

সংসার-শয্যার মায়ায় দয়ায়,

জগতে এহেন নাহিক আর ।

কাঁটাটা ফুটিলে বক্ষ ভাসিয়া

অক্ষ অক্ষ করে ।

কোন অমঙ্গল শক গুনিলে

আছাড়ি পাছাড়ি মরে ।

যখন যে বস্তু কার্যো তোমার

হবে প্রয়োজন,

তুমি না জানিতে জানিয়া রেখেছে

করি আয়োজন ।—

যখন বা চাও,—একটা মূর্ত্ত

তোমার হবেনা দেবী,—

দেখিবে সম্মুখে রয়েছে প্রস্তুত !

ধন্য, ধন্য হিন্দু নারী !

মরণের পরে মৃত শরীরে

কেহ করে অবস্থান ।

কেহবা অনলে শরীর সঁপিয়া

দেখাত সতীহ মান ।

দেখায় জগতে—তার বিশেষত্ব

তাহার অস্তিত্ব কিছুই নয় ।

পুরুষই তাহার জীবন মরণ ;

তার সুখ দুঃখ সকলই লয়

হয় তার সনে ; পরে যে ক'দিন
 ধরায় জীবিত রবে,—
 সেই এক ধ্যান, সেই এক জ্ঞান,
 সেই এক চিন্তা হবে ।

ধিক লজ্জা, ধিক পুরুষ তোদের !
 অক্লতজ্ঞ জীব তোরাই যত ;
 পত্নী-বিয়োগে দারপরিগ্রহ
 করিস্, দু'দিন না হ'তে গত !

এ হেন ব্যবস্থা—হীন স্বার্থময়—
 ধরা ব্যাপ্ত করি রমণী-ধর্ম্মে
 করিয়াছে ঘোর কলঙ্ক অর্পণ ;
 পিশাচের হেয় এ হেন কর্ম্মে ।

এক দিকে পুত নিঃস্বার্থ-ধর্ম্মের
 অচল অভয় আপন-দান ।
 অন্যদিকে পুতিগন্ধ পার্শ্বেতার
 চঞ্চল কপট তোদের প্রাণ !

* * * * *

আমি—যাইবার কালে গলাটী ধরিয়া
 বলিল আমারে—প্রান্ত,
 আমার শরীর বড়ই অসুস্থ ;
 সূকালে আসিও কিছু ।”

“যদি পার এ’ন জীবন্ত মৎস্ত—

কৈ মজ্জুর কিম্বা জিয়াল ।

কিছুই খাইতে পারিনাকো আমি ।

মোর মাথা ধাও—সকাল সকাল

চলিয়া আসিও,—দেবী করিও না,—

এলাহাবাদের

তরমুজ্ ছ’টা পারত আনিও,—

অল্প দামের ।

বড় টানি টানা পয়সা কড়ির ;

কেমনে চালাবে তুমি ?

ধাক্, কাঙ্ নাই, আনিওনা কিছু ;

খাইতে চাহিনা আমি ।”

আমি বুঝিলাম, হুঃখিনী আমার

গভিনী ; খাইতে তার

হইয়াছে সাধ তাই বুঝি এবে !

জীবনে কখন, আর

মুখটি ফুটিয়া কিছুইতো মোরে

বলেনি এমন ;

বসন ভূষণ খাবার লাগিয়া

কোনও যতন

ছিলনা তাহার । কষ্টের সংসার,
 কষ্ট করিতে আসিয়া,
 অভুক্ত থাকিয়া, ছিন্নবস্ত্রে হুঃখে
 জীবন গিয়াছে কাটিয়া !

শাঁখার উপরে চুড়িটা পরিতে
 কভু ইচ্ছা করে নাই ।
 সদা চিন্তা তার, দিবস রজনী
 বলিত মোরে সদাই,
 “দিনের লাগর (১) পাইলে কত কি
 করিবে আমার জ্ঞা ।”
 অজ্ঞ চিন্তা তার আছিলনা কিছু ;
 আর না জানিত অজ্ঞ ।

* * * * *

দীর্ঘ কালনিশি হইল প্রভাত,
 রুগ্ন শয্যায়
 দেখিলাম তারে, পার্শ্বে বালিকা,—
 সর্বদেহ ময়

উঠিয়াছে “মাতা” (২) ! সহসা আমার
 পরণ উঠিল কাঁদিয়া ।

(১) লাগর পাওয়া = পূর্ববস্ত্রের কথা শব্দ । অর্থ—ধরিতে পারা । কলিকাতায় ইহাকে ‘নাগাল পাওয়া’ বা ‘লাগাল পাওয়া’ বলে ।

(২) মাতা—বসন্ত । হিন্দুস্থানীদের দেশে গ্রাম্য ভাষায় “বসন্ত”কে “মাতা” বলে । মাতা নিকলা = বসন্ত উঠিয়াছে । অনেকে ইহাকে “মহারাজীকা দয়া” বলে ।

রোজ-আলোকে আনিয়া তাদেরে

দেখিনু পরীক্ষা করিয়া ।

ঠিক বুঝিলাম “হাম্” সেতো নয় ;

সেতো নয় “জল বসন্ত”,—

যাহা একবার হয়েছিল তার ;

দেখিলাম দেহে অনন্ত

উঠিয়াছে তার, আর বাসিকার ।

উঠিল হৃদয় কাঁপিয়া ;

কাছে কেহ নাই, কারে বা দেখাই ?

কেইবা যতন করিয়া

করিবে এদের শুক্রষা সেবা ;

মা প্রভৃতি কেহ নাই ।

একমাত্র আমি, দুইটা রোগীরে

কেমনে বা সামলাই ।

বহু চিন্তা করি দেখিলাম আর

নাহিক উপায় অন্য ।

বাঁধিলাম বুক অদম্য সাহসে

কর্তব্য পালন জ্ঞান ।

বুঝিলাম সর্ব ভূত ভবিষ্যৎ,

আপদ বিপদ ভাবনা ।

হৃদয়ে আমার সাহসের জ্বারে

হইল অপূর্ব ধারণা :—

প্রাণ যায়, তবু করিব চেষ্টা ।

পরের সেবায় কত

দিন রাত্রি যায় ; প্রলেপের প্রায়

থাকি পর-সেবা-রত ।

এবার পড়েছে আপন স্বন্ধে ;

কি চিন্তা তাহার লাগি ?

থাকিব একাকী পার্শ্বে উভয়ের ;

দিবানিশি র'ব জাগি ।

ডাক্তার আসিল ; বন্ধু বান্ধব

আরও আসিল কত ।

যা যাহার সাধ্য সাহায্য আমারে

করিয়া বন্ধুর মত,

জাগিল করিতে চেষ্টা প্রফুল্ল

রাধিতে আমার মন ।

আমি দেখিতাম কত বিভীষিকা ;

যেন কত দরশন

দিত হৃদয়েতে অমঙ্গল ছায়া !

এক পার্শ্বে প্রণয়িনী,—

অপর পার্শ্বেতে বালিকা আমার,—

মধ্যেতে আমি আপনি ।

দোহার চীৎকারে, কাতর আহ্বানে,
 পরাণ কাঁদিত মোর,
 চিন্তার বিঘোরে সদা অবগল ;
 হায়রে মায়ার ডোর

করি ছিন্ন যদি মায়েরে ইহারা
 কেমনে রাখিব প্রাণ
 শূন্য গৃহে আমি ? কেই বা আমারে
 কারবেরে পরিভ্রাণ

এ বিপদ হ'তে ? “কোথা দীনবন্ধু,
 কোথায় দীনশরণ”
 কাতর পরাণে ডাকিতাম কত ;
 করিতাম আর্কিঞ্চন

শুধু মাত্র তুচ্ছ করিয়া প্রাণটী
 ফেলিয়া যাইতে ছাড়ি ।
 দরিদ্র-সম্বল—একমাত্র বল—
 আমার পরাণেশ্বরী !

আম—সন্তান আমার একমাত্র অই,—
 মোদের যত্নের ধন ।
 একটি হারায় পাইয়াছি ওরে !
 কোথা হে মধুসূদন,

রক্ষা কর মোরে এ ঘোর বিপদে ;

মহাপাপী আমি যদিও।

প্রেয়সীর মোর ধর্ম আচারে

সংসার আমার রাখিও ।

কত আরাধন ! কতই যতন

করিতাম আমি তাহাদের ।

হস্ত-বিলেপন, কভু আলিঙ্গন,

কভুবা সংস্থান আহারের ।

দিন দুই তিন পরে একদিন

কহিল আমারে প্রেয়সী,

দুই বাছ দিয়া যতন করিয়া

আদরে আমারে পরশি,—

“ভয় পাইয়াছি, প্রাণের আমার,

বাড়ীতে ছিলেনা তুমি ।

গত শনিবারে ছাতের উপরে

(১) মাস্ত (২) ধুব্রি ও আমি

আছিহু শুইয়া ; (৩) ধুরী খোলা ছাতে,

আমরা ঘরের ভিতরি ।

দেখিহু জাগ্রতে—ভীষণ-দর্শন—

মাথায় বাধিয়া পাগরি,

(১) মাস্ত = লাষণ্যময়ী—আমাদের কণ্ঠা (২) ধুব্রি = চাকর । (৩) ধুব্রীকে লাষণ্যময়ী
 চাকিত “ধুরী, আমরাও তাই আমোদ করিয়া সময় সময় তাহাকে “ধুব্রী” বলিতাম ।

তারটী ধরিয়৷ দাঁড়াইয়া যুবা

বয়সে তোমারই সম ;

কিছুক্ষণ পরে অদৃশ্য হইল !

এখনো হৃদয় মম

কাঁপিছে অরিতে করাল বদন—

তাহার, যেন বা গ্রাসিতে আসে

যে দিকে নেহারি যেন সেই দৃশ্য

রয়েছে দাঁড়ায়ে আমার পাশে !

চমকি উঠিয়া ডাকিলু সভয়ে

“ধুররী, ধুররী” করিয়া ;

জাগিল সত্রাসে সেও শয্যা ত্যজি

“কি, কি হয়েছে ?” বলিয়া :

“না, কিছুনা” বলি আবার চিত্তে

করিলু স্তম্ভির আমি ।

কিছুক্ষণ পরে পুনঃ দেখিলাম,—

জানেন অন্তরযামী

কি ভয়ে বিহ্বল হয়েছিলু, প্রাণ ;

পর্যায় আমার শিরে !—

দেখিলাম যেন রহিয়াছ তুমি

বসিয়া আমার শিরে ;

তুমি রহিয়াছ বিদেশেতে, তবু
এ ভীষণ দৃশ্য দেখিয়া
ভয়েতে অথর্ক হইয়া রহিনু,
চক্ষু বদন ঢাকিয়া ।

সকলি সহসা হইল অদৃশ্য ;
আমার হইল জ্বর ।
সর্ব শরীর সারাটী রজনী
অবিরত থর থর

করিয়া কাঁপিল ; প্রভাতেই মোর
অসুখ বাড়িল অতি ।
আশা-পথ-পানে রহিনু চাহিয়া
তোমার মূর্তি প্রতি ।”

ছাড়িনু নিশ্বাস শুনি ; কিন্তু তারে
কহিনু গভীর স্বরে,
“কিছু নয় ; চিন্তা শুধু মাত্র তোমার
একাকী শয়ন ক’রে ।”

অজ্ঞাতে তাহার ধুব্রীও মোরে
কহিল তাহার পরে,—
সেও দেখেছিল পাগরি মাথায়
দু’হাতে ভারটী ধ’রে

দাঁড়াইয়া এক পূর্ণ যুবক ;

কাঁহছে তাহারে ডাকিয়া—

“ধুব্‌রি, ধুব্‌রি, একগ্লাস দেও

ধাইবার জল আনিয়া !”

ঠিক সেইক্ষণে বিজন তাহারে

চকিত সতয়ে ডাকিল ।

সেও ভয়ে ভয়ে সে রাত্রি সেখানে

কোনরূপে পড়ি রহিল ।

আরো কত কত ভৌতিক দৃশ্য

বলিল দেখিয়াছিল ।

সমস্ত শুনিয়া আতঙ্কে আমার

শোণিত শুষিয়া গেল !

পরস্পর তারা—কেহ কাহাকেও

কখনো বলেনি ইহা ;

অথচ দু'জনে একই প্রকারে

বর্ণনা করিল যাহা,

তাহা দেখিয়াছে—ঠিক একরূপ !

সত্য কি গো তবে এই

ভৌতিক দৃশ্য,—জাগ্রত-স্বপন ?

মিথ্যা কি নহেক সেই

ভীষণ-দর্শন ? পড়িল বজ্র

মস্তকে আমার ।

ভূত ভবিষ্যৎ ভাবি ধীরে ধীরে

প্রাণ হাহাকার

করিয়া উঠিল । ক্ষণিক চিত্তে

দুর্বলতা দেখা দিল ।

ডাকিলাম “মালি * ”, ডাক্তার কত,

তারাও চেষ্টা করিল ।

কত বন্ধু কত করিল সাহায্য ;

দেবতার আশীর্বাদ

কত কি আসিল ; কিছুতেই কিছু

হইলনা । পরমাদ

গণিলাম চিত্তে, চিন্তিয়া বিপদ

আসন্ন সম্মুখে মোর ।

করিতে লাগিলু অজ্ঞাতে সবার

কাঁদিয়া রজনী ভোর ।

* মালি = আমাদের দেশে যেমন “টীকাদার” ঠাকুররা (যাহাদিগকে আমরা ‘কবি’ বলি) বসন্ত রোগের চিকিৎসা করেন, সেইরূপ পশ্চিমে ‘মালি’ পূজা দেয় ও ঝাড়িয়া দেয় । ইহারা ঔষধ দেয় না । এ কাজে “মালি” ছাড়া অন্যের অধিকার নাই । মালি বলিতে আমাদের দেশে বাহাকে “মালাকর” বলি তাহ বোঝায় না ।

দিলাম সংবাদ তারযোগে আমি,

মায়েরে—আসিতে সত্বরে ।

ছই পার্শ্বে ছ'টী বসন্তের রোগী

লইয়া অকুল পাথারে

পড়ি, জ্ঞানহীন, অসাধ্য সাধন

করিতে লাগিলু যতনে,—

যদিবা আমার প্রাণটীও দিয়া

বাঁচাইতে পারি ছ'জনে ।

* * * * *

বাড়িতে লাগিল ক্রমেই তাদের

নিত্য নূতন যাতনা ।

সর্ব অঙ্গ ছাইল সে বিষে ;

অধীর অস্থির বেদনা

সহিতে না পারি, অবিরত তারা

করিত উভে চীৎকার ।

আমারো পরাণ সদাই কাঁদিত ;

করিতাম হাহাকার ।

ক্রমে যতদিন বাড়ে, তত ক্ষীণ

হইতে লাগিল প্রাণ ।

বুঝিল বিজ্ঞান—এই তার শেষ—

আর নাই পরিত্রাণ ।

কত আপ্শোষ করিতে লাগিল !

কত কি আশার রেখা !

আত্মীয় স্বজন কাহারো সঙ্গেতে

আর তো হবেনা দেখা !!

“আহা রে ! একটু বাড়ীতে যাইতে

নাহি পারিলাম আর !—

বড় আশা ছিল সকলে একত্রে

বাড়ী যাব একবার !!”

ইত্যাদি কতই কাতর উক্তি,—

রোদন চীৎকার কন্ত

করিত ; আমার আপেক্ষে তাহার

হৃদয় ক্ষত বিক্ষত

আরও হইত, তুষানল সম

জ্বলিত দিবস নিশি ।

তবু—সমভাবে আমি এক শয্যা' পরে

রহিতাম একা বসি ।

নিত্যই জিজ্ঞাসা করিত আমারে—

মা মোর আসিবে কবে ;

দেখিলে তাঁহারে বুঝিবা যাতনা

কিছু উপশম হবে ।

অথবা বুঝিবা কিছু বলিবার

সাধ ছিল তাঁর কাছে ।

হায়রে ! পরাণে কত গুপ্ত আশা,

তখনো তাহার আছে !

তখনো আমার ছিল কিছু আশা,

পারিব বাঁচাতে তারে ।

কু-লক্ষণ কিছু তখনো হয়নি ;

বাঁচিলে বাঁচিতে পারে ।

কত—আশায় প্রলুদ্ধ ভবিষ্যৎ ছবি

করিতেছি দরশন ;

সহসা দেখিছু কণ্ঠস্বর তার

হয়েছে পরিবর্তন ।

বসিয়া গিয়াছে কমকণ্ঠস্বর ।

“হায়রে, অভাগী মোর,”

বলিয়া কাতরে বক্ষে করাঘাত

করিয়া কহিছু “তোর

এই ছিল কিরে কপালে লিখিত !

তাই সব কু-লক্ষণ,

একে একে আজি আসিয়া সকলে

দিতেছেরে দরশন !”

গর্ভবতী স্ত্রী ; কত আশা প্রাণে

পুত্র-যুথ নেহারিবে ।

দীর্ঘ আশা তার—পূর্ব-শোকস্মৃতি

এইবার পাশরিবে ।

আশায় তাহার পড়িবে কি ছাই ?

ভাবি তাই সদা মনে,

কাঁপিয়া উঠে যে হৃদয় আমার !

আর আমি কার সনে

তেমন করিয়া ফিরিব সোহাগে

সম বয়সীর মত ?

পত্নী মোর সখা,—সেত বন্ধু মোর !

আমারে আদরে কত

লইয়া যতনে করিত সোহাগ ;

আমি উন্নত তাহারে

সম বয়সীর মত নিশিদিন

দেখিতাম ; সেও আমারে

দেখিত তেমনি ; এইরূপে মোরা

দীর্ঘ একাদশ বর্ষ

কাটিয়া দিয়াছি হেলায় খেলায় ;

হুঃখেও মোদের হর্ব

সতত হইত । যদিও কখনো

অনাহারে মোরা থাকিতাম,
তথাপি দু'জনে মনের হরষে
অতি সুখে কাল কাটিতাম ।

পর্কতে পর্কতে—তীর্থে তীর্থে—

পুণ্যময় স্থান দেখিয়া,
দুই-জনে মোরা—সদা গলাগলি—
রয়েছি আনন্দে মজিয়া ।

* * * * *

আজি একে একে গত জীবনের

সর্বস্বতি হৃদে আসি,
আমারে পাগল করিয়া তুলিল ।
হায়রে সবনাশি,

আমারে পাগল করিয়া যাইতে

কাঁদবে না তোর প্রাণ !
এত ভালবাসা—আত্মহারা প্রেম—
কাহারে করিয়া দান

যাবিরে বিদেশে প্রিয়তমে মোর !

সে দেশে কি কেহ আছে ?
সে দেশে কি কেহ “প্রান্ত” বলিয়া
সোহাগে আসিবে কাছে ?

সে দেশে কি কেহ নিত্য আদরে
বসাইয়া অঙ্কোপরে,
হাসিয়া মধুরে গলাটি ধরিয়া
যতনে সোহাগ করে ?

যদি করে, তবে আমারেও, প্রাণ,
নিয়ে যে'ও সেই দেশে ;—
একাকী জগতে নারিব রহিতে !
সাহারার হা হতাশে

দিবানিশি দক্ষ হইবে হৃদয় !
কেমনে সহিব ? প্রাণ,
মোর মাথা খাও, যে'ওনা ছাড়িয়া !
কিবা হুঃখ অপমান

হইয়াছে তব—অসহ, যাহার
সহিতে পারনা আর ?
তাইতো বাসনা যাইতে ছাড়িয়া
দুর্গতির এ সংসার !

* * * * *

এইরূপে আরো এক আধ দিন
কাটলাম ; কিন্তু ক্রমে আরো লীন

হইতে লাগিল ; সোণার বর্ণ

হইল তমসোময় ।

শক্তি-সামর্থ্য সকলি তাহার

হইতে লাগিল লয় ।

পার্শ্বে বালিকা,—অভ্যাস তাহার

দিবানিশি তার থাকিতে কাছে

আহা !—তিন বছরের ক্ষুদ্র বালিকা,

মাতৃসম তার আর কে আছে ?

সে চাহিত সদা, যদিও তাহারো

উঠিবার শক্তি ছিল না,

মা'র কোলে যেতে, তার বন্ধে থেকে

ঘূচা'তে তাহার যাতনা ।

সেত বৃদ্ধিত না—তাহার মায়ের

আরতো সে শক্তি নাই,

যে শক্তির বলে লক্ষ অত্যাচার

সহিয়া, তারে সদাই

রাখিয়া আপন সুখময় বৃকে,

সব দুঃখরাশি তার

হরিত যতনে, মাতৃস্নেহ-স্রোত

কি অমৃত অমরার !

সে তো বুদ্ধিত না—ত্বর জীবনের

সব সুখ—সব আশা

যাইতে চলেছে ; আর এইরূপ

পূর্ণ স্নেহ-ভালবাসা

কোথায় পাইবে জীবনে তাহার ?

হায়রে মায়ের স্নেহ !

তাঁহার সমান আর এ জগতে

ভাল কি বাসিবে কেহ ?

কি দুঃখ তাহার, শৈশবে যাহার

জননী মরিয়া যায় !

আজীবন তার একটা অভাব

সমান রহিবে । হায়,

তাহার জীবনে ম্লান সুখগুলি,—

সর্বস্ব তাহার ম্লান ।

জগতের সর্ব সুখ-শান্তিগুলি

করিলেও তারে দান,

তাহার প্রাণের সে অভাব-ছায়া

রহিবে জীবন ভরিয়া ।

তেমন স্বর্গের মন্দাকিনী ধানি

কে দিবে তাহারে আনিয়া ?

মা'র প্রাণও টানে সস্তানের পানে

সে রূপে বিশ্ব যোহিয়া ।

“সস্তানের তরে জননীর প্রাণ”

এ কথা নূতন করিয়া

কাহারেও আর বলিতে হয় না ।

সকলেই তাহা জানে,—

সস্তানের দুঃখ কি বজ্র-বেদন,

কিবা শক্তিশেল হানে

জননীর বক্ষে ; লক্ষ আলিঙ্গন

করিলেও তাহা যায় না ।

পতি-ভ্রাতৃ-প্রেম—পিতার মাতার—

তার সম কিছু হয় না ।

আমি দেখিতাম, যখনি বালিকা

তাহার নিকটে যাইত,

সে— শুধু বিরক্তির ভাব প্রকাশিয়া

“ভ্যান্ ভ্যান্” করি কাঁদিত ।

বলিত আমারে, “সহিতে পারিনা

আর ওর অত্যাচার ।

দিবা নিশি ঐ এক ভাব ওর ;

কত বা সহিব আর !”

এইরূপে আরো কত কি প্রকারে

পলে পলে প্রাণে জাগিত,—

এই বিপদের সময়ে আমার

মা যদি এখানে থাকিত,

তা হ'লে পাগল এইরূপে আমি

বুঝি—নাহি হইতাম ।

ঊহাংরে রাখিয়া পার্শ্বে ইহাদের,

একবার কাঁদিতাম

পরান ভরিয়া,—বাহিরে যাইয়া !

হায়রে কেমনে বিরহ

আজীবন আমি সহিব এদের ?

কেমনে যাতনা দুঃসহ,

এদের অভাব সত্য যদি হয়,

আমার পরান সহিবে !

যতদিন প্রাণ এ দেহে রহিবে,

তত দিন ধরি জলিবে !!

ভূত ভবিষ্যৎ ভাবিলাম সর্ব,

ভাবিলাম বর্তমান ।

সহসা বন্ধ-গভীর নিনাদে

কাঁদিয়া উঠিল প্রাণ ।

অবশ অক্ষ অলস উৎসাহে

করিলাম নিরীক্ষণ,—

যে ভয় আছিল—সেই তাও অই ;—

দেখিলাম * রক্ত-প্রস্রবণ !

আজিও আমার হস্ত পদ গুলি

কাঁপিছে সে স্মৃতি স্মরিয়া ;—

পূর্ণ আবেগে প্রেয়সী আমার

ধরিল গলাটা জড়িয়া ।

বুঝিল অভাগী—“রক্ত দেখিয়া

আমার হতশ শ্রাণ ।”

কি বুদ্ধির খনি ! কিবা শক্তি তার !

আমার হৃদয় খান

দেখিতে পারিত যু'ধানি ভিতরে,

যেন দর্পণের মত ।

আমার হৃদয়, তার কাছে, মোর

মুখেতে ছিল অঙ্কিত ।

বলিল “কি ভয় ? ভয় নাই কিছু ;

নিশ্চয় সারিয়া উঠিব ।

আবার ছ'জনে—এক মন-প্রাণে

মিলিয়া মিশিয়া রহিব ।”

* স্বরূপ ৬ রক্তপ্রস্রবণ বসন্তের রোগীর অসাধ্য লক্ষণ বলিয়া গণিত হয় ।

অতি কষ্টে কষ্ট বন্ধে করি লয়,

সহিতে হইল সেই সমুদয়

প্রাণের উপর অসহ আঘাত ।

বুঝি তার কাছে কোটা বজ্রপাত

তার তুলনায় কিছুই নয় ।

হারাইলু চিন্তা, হারাইলু জ্ঞান,

হারাইলু শক্তি, বুঝিবা পরাণ ;—

কঠিন পাষণ হৃদয় আমার

হইয়া রহিল.—কভু যে প্রকার

যদি কোন বন্ধে বজ্রপাত হয় ।

কি যেন অসীম অনন্ত শক্তি,

প্রাণহীন যোর হৃদয়ের গতি

করিয়া আপন উদ্দেশ্যে চালিত,

করিতে লাগিল আমারে ধাবিত ;

তাহারি লক্ষ্যে ছুটীলাম তাই ।

আমি ভুলিলাম অস্তিত্ব আমার,

আমি ভুলিলাম আহার বিহার,

আমি ভুলিলাম বিশ্বের সবারে,

বুঝিলাম এই বিশ্ব-সংসারে

আমার বলিতে কেহই নাই !

আমার করুণাময়ী, আমার জীবন ধানি,
আমার প্রীতির ফুল-মুখধানি টানি আনি
কখনো বন্ধের পরে, কখনো যুথের পর ।
বরিষার ধারা সম করে অশ্রু ঝর ঝর ।

আতঙ্কে কখনো উঠে কাঁপিয়া আমার প্রাণ !
উর্ধ্বে করি করযোড়, ভাসাইয়া বন্ধধান,
ডাকি মোর পরাণের একমাত্র দেবতারে,
উন্মত্ত আবেগ ভরে,—উন্মত্ত হাহাকারে,—

“হে আমার ভগবান, হে মোর জীবনদাতা,
ওহে পিতঃ, হে বিধাতঃ, জগতজননী মাতা,
একবার ফিরে চাও ! গলে যায়, ভেসে যায় !
আমার সোনার তরি অকুলে ডুবিল হায় !!

যায় ঐ,—ঐ যায় ডুবিয়া সর্বস্ব, আর
কি রহিবে—কে রহিবে— শুনি মোর হাহাকার
“পাগল” বলিয়া যেন পার্শ্বে আসি দাঁড়াইয়া,
ছই করে মুচাইবে প্রীতির আঁচল দিয়া

চক্ষু মোর, বন্ধ মোর, হৃদয়ের অশ্রুধার ?
কে রহিবে পার্শ্বে শান্তিসুখপূর্ণ অনিবার ?
ক্রমে নিশি আসে যায়, ক্রমে হয় ক্ষীণ ।
আমার আশার আলো আঁধারে বিলীন ।

আমি উন্মাদের মত সদা পার্শ্বে বসি তার,
কভু হেরি মুখখানি, কভু করি হাহাকার !
উন্মত্ত আবেগে চাই হৃদয় করিতে দান ;—
ভেঙ্গে যায়—ভেসে যায় আমার হৃদয় ধান ।

মনে ভাবি কত কথা বলিব, বলিবে সেই ।
কার্যকালে দেখি মাত্র কিছু যেন মনে নেই ।
সেই মুখখানি—সেই অর্ক-নিমিলিত আঁধি,
কখনো বদনে বক্ষে, কখনো শয়নে রাধি,

তুনি তার করুণার তীক্ষ্ণ তীব্র হাহাকার ।
ভাবি শুধু কি বলিব ;—কিছুইতো নাই আর !
বলি বলি বলি ভাবি, বলা কভু হয়না ।
সেওতো উন্মুক্ত প্রাণে কোন কথা কয়না !

হায়রে মানব মন ! যায় রবি অস্তাচলে,
তথাপি দিনের আলো আছে ব'লে কুতূহলে
করে কত আনন্দের প্রমোদ আহ্বান ।
ভাবেনা বুঝেনা কবে হবে অবসান

আঁধারের কালিমায় তাহার আনন্দ-হাসি ;—
প্রীতির পরাগপূর্ণ সুন্দর সুসমারামি ।
ভাবে, বুঝি অনন্তের অন্ধ অকাশের গায়
সুখ শান্তি চিরদিন এইরূপে থেকে যায় ।

পার্শ্বে বালিকা যোর—ক্ষুদ্র ফুল ফুল মম—
 যাতনায় বেদনায় অনাধ শিশুর সম
 করিতেছে হাগাকার ;—জননী বধির তার !
 কে আর লঠবে বন্ধে ? ঐতো রে অস্ত যায়

তাহারো জীবন-রবি ;—জীবনের সুখ-আশা ।
 অজ্ঞাতে চলিয়া যায় শান্তি, হাসি, ভালবাসা !
 জ্ঞানিলনা—বুঝিলনা—তাহার জীবনে আর,
 তেমন সুখের হাসি হাসিতে হবেনা তার ।

আমি উভয়ের পানে করি নিরীক্ষণ,
 জাগ্রতে সতত হেরি স্বপন ভীষণ ।
 উন্মাদ আতঙ্কে প্রাণ শুকিয়ে উড়িয়া যায় ।
 শূন্য দেহখানি শুধু করে সদা হায় হায় ।

উষায়—সন্ধ্যায়—আমি ধূপ ধূনা জ্বালি,
 আরাতির মত ;
 পরিষ্কারি গৃহ খানি, পরিষ্কারি পার্শ্বতার,
 কাঁদি অবিরত !

নিশিদিন ততবার—যত বার মনে লয়—
 শয্যা ছুই খানি
 বদল করিয়া দেই ; পরিষ্কারি সর্ব অঙ্গ
 বন্ধে টানি খানি ।

যখনি বদন পানে করি নিরীক্ষণ,
তখনি নেহারি তার বিচলিত মন ।
বিশুদ্ধ হৃদয়ে করি সাহসনা প্রদান ।
হৃদয়ে জাগিয়া উঠে করুণ আহ্বান ।
এইরূপে পরম্পর আপন গোপনে
পরম্পরে রাখি শান্ত—আত্ম-বিস্মরণে ।

* * * *

কৃষ্ণা তৃতীয়ার নিশি ধীরে ধীরে ধীরে,
জাগ্রত-স্বপনে ঢাকি বদন সুন্দর,
প্রফুল্ল-নালিনী-মুখে হাসি বিমলীন,
কে জানে কাহার পানে হ'ল অগ্রসর ।

পশু পক্ষী শোকে তার উঠিল চীৎকার করি,
করুণ রোদন

জাগ্রত করিল বিশ্বে ; প্রকৃতি খুলিয়া আঁধি
করিল দর্শন

তনয়ার চক্ষে বক্ষে অজস্র অশ্রুর ধারা,
বিমর্ষ বদন ।

শত বাহু প্রসারিয়া, শত আঁধি পাখরিয়া,
করি আলিঙ্গন,

লইল তাহার মুখ আপন বকের মাঝে,
ঢাকিয়া সুন্দর ।

অজস্রে বহিল অঙ্গে জননীর অশ্রুধারা—
ঝর ঝর ঝর ।

তখনো জাগ্রত আমি ; তখনো আমার
নখাগ্রাণ্ড স্পর্শে নাই নিদ্রার বিকার ।

তখনো জাগ্রত মোর প্রাণের পুতুল ছ'টা ;—
আমার নলিনী খানি, বিদম্ব-বদন,

আরক্রিম নেত্রোৎপলে চাহিয়া আমার পানে,
তখনো করিতেছিল অশ্রু-বরিষণ ।

আর বাক্যের প্রলাপ !

আদি নাই—অন্ত নাই তার সে কথার কিছু ;—
কতই বিলাপ !

বসিয়া শয্যার 'পরে, যুক্ত করি কর,
উক্কে প্রসারিয়া বাহু—“দয়াল ঈশ্বর,
যে বিপদ-সমুদ্রের করাল বদন,
উদ্বলিত উচ্ছ্বসিত করিয়া বেষ্টন
রহিয়াছে প্রসারিত সম্মুখে আমার,
হবেনা কি সে সমুদ্রে শান্তির সঙ্গার ?

নিভাস্ত কি দিনমণি দিবা দ্বিপ্রহরে,

অস্তাচলে করি আরোহণ,

ডুবাইয়া বিশ্ব মোর ভীষণ প্রলয় অন্ধে,

অনন্ত জঁধারে ঘন—হইবে মগন ?”

ইত্যাদি কতই মত প্রার্থনার অশ্রুজলে

ধুইয়া চরণ,

দয়াময় পদপ্রান্তে রাখিয়া বদন বন্ধ,

করিলু রোদন ।

শুনিল না, মানিল না করুণ রোদন মম

কেহ,—করিল না মোরে সাঙ্ঘনা প্রদান ।

হতাশ পরাণে চাহি বিদগ্ধ আকাশপানে,

ধীরে শয্যা করি ত্যাগ করিছু উত্থান ।

ক্রমে বিশ্বে ছড়াইয়া পড়িল দিনের আলো,

বালসূর্য্য বিমল-কিরণ ।

আমি পুনঃ পার্শ্বে তার আসিয়া বাসিছু শীঘ্র

প্রাতঃকৃত্য করি সমাপন ।

আমার প্রাণের মাঝে বহিল প্রলয় ঝড় ।

ভীষণ দর্শন,

দেখিতে লাগিছু মোর মানসে সতত আমি—

কত কুলক্ষণ ।

ভয়ে ভীত, সচকিত নয়নে তখন,

করিলাম নিরীক্ষণ তাহার বদন ।

আনিয়া বন্ধের মাঝে দগ্ধ চন্দ্রমুখ,

জিজ্ঞাসিছু তার—

“কি বলিবে ব’লেছিলে, পরাণ আমার,

বলনা আমার ।”

ধীরে বন্ধ ভাসাইয়া অজস্র অশ্রুর ধারা

বহিল আমার ।

মৃতপ্রাণা দুঃখিনীর প্রতপ্ত অশ্রুর ধারা

বহিল আবার ।

পুনঃ—বন্ধে করি রহিলাম কতই আদরে ।

কত কথা জিজ্ঞাসিছু উদ্ভ্রান্ত অন্তরে ।

কিছুই উত্তর মোরে করিল না দান ।

“বলিব বলিব” বলি আশ্বাস প্রদান

করিয়া রাখিত মোরে সদা সর্বক্ষণ ;

আমি শুধু করিতাম হতাশ বোদন ।

* * * *

বাড়িয়া উঠিল বেলা ক্রমে দিবা দ্বিপ্রহর,

মধ্যাহ্ন-ভাস্কর-তেজ ব্যাপিল গগন ।

অনলের শিখা মাখি সর্ব অঙ্গে বিষময়,

সজোরে বহিল গর্বে মধ্যাহ্ন পবন ।

আমি রুদ্ধ করি দ্বার বসিছু তাহার পার্শ্বে,

চিত্তায় বিব্রত,—ভাবি দীর্ঘ পূর্বাপর ;

কি ছার মিছার আশে উনমত্ত নিশিদিন,

হেরিছে মানব গর্বে গর্কিত অন্তর !

সহসা পড়িল বজ্র ভাঙ্গিয়া আমার শিরে,

করিছু দর্শন—

আমার আশার রবি যায় ঐ অন্তাচলে !

উন্মিলি নয়ন,

করি তারে “শিবচক্ষু”, রুদ্ধ করি শ্বাস,

সহসা করিল বন্ধ নিশ্বাস প্রশ্বাস ।

জানে নাই—বুঝে নাই, জানি নাই বুঝি নাই—

সহসা এ হেন ভাব হইবে তাহার !

অকস্মাৎ-বজ্রপাত-বিহ্বল পথিক সম

অবশ অধৰ্ব হ'ল হৃদয় আমার !!

ভাবিলাম এই শেষ,—এই অস্ত জীবনের

পূর্ণিমার পূর্ণ-শশধর !

এই মোর হৃদয়ের যন্ত্র-তন্ত্র ছিন্ন করি

হ'ল বুঝি “সৰ্বস্ব” অন্তর !!

আগ্নেয় গিরির গর্ভ বিদারি সজোরে

সহসা যেরূপে হয় অগ্নি উদগীরণ,

সেইরূপে আচম্বিতে মথিয়া হৃদয় মোর,

তপ্ত গৈরিকের ধারা হ'ল নিঃসরণ ।

হারাইলু সৰ্ব ধৈর্য্য,

সাহস, প্রাণের বল,

ভুলিলাম কর্তব্য আমার ।

প্রলয়-ঝটীকা-রোলে

দুৰ্ভাগ পাখীর মত

উঠিলাম করিয়া চীৎকার ।

ছুটিল নগেন্দ্রবাল্য *

করুণ আস্থান শুনি,

ছুটিল প্রমিলাবাল্য * বালক রমেশ ।*

বসিল আমার পার্শ্বে

নগেন্দ্র—ভগিনী সম,

কঁাদিয়া কহিলু “বউ, এই সব শেষ !

* ভূমিকায় ইহাদের পরিচয় পাইবেন ।

এই শেষ আশা মোর, বউদি আমার,
 এত শীঘ্র হইবে এমন
 ভাবি নাই—বুঝি নাই ; উন্নতে দেখিতেছিনু
 কত মত আশার স্বপন !”

সহসা পড়িল দৃষ্টি, করিনু দর্শন
 লাবণ্য আমার,—
 অন্ধ-অচৈতন্য সেও, যাতনায় বেদনায়
 করিছে চীৎকার ।

একই শয্যা,—এক পার্শ্বে ডুবিছে আশার রবি,
 সর্ব মোর জীবন-সঞ্চল ।
 অন্য পার্শ্বে বিমলিন পূর্ণ চন্দ্রিমার রেখা
 পরশিছে রাহুর কবল ।

মধ্যে স্থির বসি আমি, প্রাচীরে আবদ্ধ ষেন
 অনাবদ্ধ প্রস্তর মূর্তি
 স্তব্ধ-স্থির, নেত্রনীরে ভাসাইয়া বন্ধ মোর,
 করিতেছি তাদেরি আরতি ।

অধীর আবেগভরে ডাকিলাম, কহিলাম
 “ওমা, লাবণ্য আমার,
 ঐ দেখ ছেড়ে যায় ভাসাইয়া বিশ্ব মোর
 জননী তোমার !

আর কারে “মা” বলিয়া ক্রুদ্ধ অত্যাচারে

করিবি মস্থন ?

আর কার বক্ষে মুখ রাখিয়া তেমনি প্রেমে

করিবি রোদন !

আর কে সহিবে তোর আব্দার অত্যাচার ?

তেমতি তোহার * তরে আর কার হাহাকার

করিবে পরাণ, যদি যুহুর্ভেক অদর্শন

হয় কভু, উন্মাদিনী ছুটিবে কাণ্ডার মন ?

সারানিশি কার বক্ষে অবরুদ্ধ রহি আর

করিবিরে স্তম্ভপান, বক্ষোপরি অত্যাচার ?

যায় অস্ত চিরতরে তোমার সুখের জ্যোতিঃ

অজ্ঞাতে তোমার !

জাগ মা, ফিরাও তারে ; সজোরে ধরিয়া বক্ষে

রাখ একবার !!”

কেহ গুনিল না মোর করুণ আহ্বান ।

কেহ করিল না মোরে সান্ত্বনা প্রদান ।

এমনি সময়ে পুনঃ ছাড়িল সুদীর্ঘশ্বাস,

মেলিল নয়ন ।

রহিল চাহিয়া মোর অশ্রু-বিগলিত নেত্রে,

অস্থির বদন ।

* তোহার – তোর (হিন্দুস্থানী কথা শব্দ ।)

আবার আশার আলো নিবিয়া জ্বলিল যেন ;
বন্ধের উপর
সহসা হানিল মোর, অজ্ঞাতে আমার, শত
তীক্ষ্ণ তীব্র শর ।

অকস্মাৎ কর্তব্যের বিমল পবিত্র ছায়ে
হৃদয় আমার,
মুহূর্ত্তে করিল নব নীরব নিরস এক
গান্তীর্ঘ্য সঞ্চার ।

যেমতি স্বপনে হেরি প্রিয়ানু মরণ,
জাগ্রতে আকুল প্রাণে করি আলিঙ্গন,
রাখে তারে বক্ষে চেপে ; তেমতি আবার
করিলাম দরশন প্রিয়ারে আমার ।

হায়, তখনো আত্ম-গোপন করিতে তাহার
করিলাম দরশন প্রবল বাসনা ;
অথবা তথাপি তা'র হৃদয়ে তখনো আশা
আনিয়া থাকিবে এক প্রবুক ধারণা ।

রক্ত-চক্ষে হেরি মোর ব্যস্ত হাহাকার,
করুণ রোদন,
ভগ্ন কণ্ঠে কহিল “কি ? কি হয়েছে মোর ?
কিসের কারণ

অধীর অস্থির অত, বালকের প্রায়
 ভাসিছ প্রবল অশ্রু-অজস্র-বন্যায় ?”
 লম্বরি প্রবল বেগে অসম্বর বজ্র-প্রহরণ,
 আবার আশার আশে কঠোর হৃদয় মোর
 করিছু বন্ধন ।

“না, কিছু না ; হয় নাই কিছুই তোমার”
 বলিয়া, মুছিয়া অশ্রু যতনে তাহার,
 হাত খানি অতি ধীরে করিয়া ধারণ
 রাখিলাম বক্ষোপরে ; আশার স্বপন
 দেখাইল কত নব কানন প্রান্তর ।
 যুহুর্ভের তরে শান্ত হইল অন্তর ।
 জিজ্ঞাসিছু, “কি বলিবে বলেছিলে, প্রাণ,
 বলনা এখন ।”

“বলিব” বলিয়া ধীরে, চাহি মোর মুখপানে,
 অশ্রু বরিষণ
 করিতে লাগিল শুধু ; কহিল আবার
 “সময় তো যায়নি সে কথা বলিবার !”

“মা কবে আসিবে ?” বলি মুদিল নয়ন পুনঃ ;
 করিছু দর্শন
 বিবর্ণ বিদগ্ধ তার সহসা কাঞ্চনপ্রভ
 সুন্দর বদন ।

“আজ আসিবেন তিনি” করিছু উত্তর ।
 চুম্বকি মেলিয়া আঁধি, হয়ে অগ্রসর,

প্রসারিয়া তুই কর, আকণ্ঠ বেষ্টন করি,

লইয়া আদরে

টানিয়া আপন বক্ষে বক্ষ মোর, মুখখানি

মুখের উপরে,

অর্ধশুট কর্তৃস্বরে কহিল আমায়

“খাও ।” “কি খাইব ?” আমি জিজ্ঞাসিনু তায় ।

“কানপুরে তোমা তরে কত যে মিঠাই মণ্ডা

রাখিয়াছি, খাও তাই ;”—করিল উত্তর ।

আবার ভাসিয়া বক্ষ তার সে বিদায় গানে

অঙ্গশ্রে ঝড়িল মোর অক্ষ ঝর ঝর ।

“নাঃ, তোর সাথে পারি না” বলিয়া কর্তৃ আমার

ত্যাঞ্জিল ;—মুদিল ধীরে আবার নয়ন ।

অবশ অচল হ’য়ে ধসিয়া পড়িল হস্ত ;—

ভাঙ্গিয়া পড়িল মোর সুখের স্বপন !

সেই শেষ কর্তৃস্বর শুনিয়াছিলাম তার ।

জীবনের সেই শেষ আদর-আহ্বান !

সেই শেষ আবেষ্টনে আবদ্ধ বদন-বক্ষ,

রহিয়াছে পড়ি আজি বিজন-শ্মশান !!

কত যে মিঠাই মণ্ডা রেখে গেছে মোর তরে,

প্রাণ ভরে করিতেছি তাহাই আহার ।

রসের সাগরে ডুবি খাইতেছি হাঁড়ুডু,

কুরাবে না—অনুরক্ত ভাঙুর তাহার !!

ক্রমে রুদ্ধ হ'ল কণ্ঠ, পদ-আঁধি বিবর্ণ শ্রীহীন ;
 ক্রমে দৃষ্টি শক্তি লয়, অবসন্ন সর্ব-অঙ্গ বিদগ্ধ মলিন ।
 যতক্ষণ দৃষ্টি শক্তি ছিল তার, স্থির চক্ষে
 এক দৃষ্টে আমার বদন,
 যেন সর্ব অণু ভুলি, আবদ্ধ হৃদয়াবেগে
 করিতে আছিল বিলোকন ।

দেখিতে দেখিতে মোরে, যত দৃষ্টি শক্তি লয়
 ধীরে ধীরে ত'তে ছিল তার,
 ততই প্রবলতর বহিতে আছিল অশ্রু—
 বিদায়ের বজ্র-হাহাকার !

আর না হেরিবে তারে, যার তরে জীবনের
 সর্ব সুখ-খাশা

উৎসর্গ করিয়াছিল ; উন্নত আবেগভরে
 যার ভালবাসা

দীর্ঘ একাদশ বর্ষ পরাণের দান প্রতি দানে
 করিয়া পোষণ

আসিয়াছে, আজি শেষ তাহার সাধের কুঞ্জে
 প্রেম-সম্মিলন !!

নাই শক্তি ব্যক্ত করে পরাণের একটী উচ্ছ্বাস ।

সাগ্র হল এতদিনে, আমার সাধের কুঞ্জে অতৃপ্ত বিলাস !!

অনাহারে অনিদ্রায় যাহার সুখের তরে
 সর্বস্ব করিয়া অর্পণ,

উন্নতির পথ পানে একান্তে চাহিয়াছিল,
 আজি তারে শেষ দরশন

দেখিতে হইবে ! সর্ব অপূর্ণ পিয়াসা ।
 অসম্পূর্ণ জীবনের সর্বকল্পাশা ।
 সূদূর প্রান্তর হ'তে দাঁতে করি তৃণ আনি
 পক্ষিনী যেমন,
 রক্ত-মাংসসমপ্রিয় সাধের গৃহটী তার
 করয়ে বন্ধন ;
 সেইরূপ বিন্দু বিন্দু, — করি তিল তিল, —
 বাধিতে আছিল যেই সাধের সংসার,
 ডিগ্ধ শাবকের সনে—পাখীর সাধের গৃহ
 উড়াইল মহাবড় প্রলয় আকার !
 সেই প্রলয়ের রোলে উন্মত্ত পক্ষিনী যেমন
 আসন্ন বিপদে দেখে প্রাণপণে করিয়া যতন
 আপন বন্ধের মাঝে আপন সন্তান ।
 দেখিছে সংসার আজি তাহার সমান ।
 এই সংসারের সর্ব করি বিসর্জন,
 অজানা অজ্ঞাত দেশে করিবে গমন !
 তখনো কর্ণের ক্ষতি লুপ্ত হয় নাই তার ।
 করিছু আহ্বান ;—
 “লক্ষ্মী জল খাবে ?” বলি আদরে তপেশ্বরী*
 পাদোদক দান .
 করিলাম ; শুনি মোর আর্ত-সন্তাষণ,
 সজ্ঞারে হইল তার অশ্রু বরিষণ ।

* “তপেশ্বরী দেবী” কানপুরের এক প্রসিদ্ধ প্রতিষ্ঠিত দেবতা ।

ইহার সুগঠিত মন্দির অতি সুন্দর প্রণাম্পর্শী উপাসনা ক্ষেত্রের স্থার ।

ক্রমে কৰ্ণশ্রুতি লয় হইল তাহার ।

ভাঙ্গিল সাধের কুঞ্জে যা ছিল আমার !

শুধু শ্বাস—মহাশ্বাস— চিহ্ন মাত্র জীবনের
আছিল তখন ।

তাহারে বাঁধিয়া বৃকে পাষাণে বাঁধিয়া বৃক
অশ্রু বরিষণ

করিতে লাগিলু পূর্ণ অজস্র ধারায়

নীরবে ; ভাসিল বক্ষ অজস্র বচায় ।

আর বালিকা আমার !

তাহার জীবন ভার সঁপিয়াছিলাম করে
নগেন্দ্রবালার ।

* * * * *

দ্রোহস্পর্শ । মঙ্গলের অমঙ্গল ছায়া

সাক্ষ্য আঁধারের সনে হয়ে বিকীরণ

ক ভীষণ—ভীমাক্রমে, চামুণ্ডাক্রপিনী ঘোরা,—

আচ্ছন্ন করিল মোর হৃদয়-গগন ।

জ্যৈষ্ঠ মাস, ষষ্ঠ রাত্রি । এই জ্যৈষ্ঠ মাসে

হয়েছিল যে দেবীর শুভ আবাহন

একাদশ বর্ষ পূর্বে, আজি সেই জ্যৈষ্ঠ মাসে

সপ্ত সমুদ্রের পারে দিতে বিসর্জন

বসিয়াছি প্রাণাধিকা প্রিয়তমা সে দেবীরে !

হৃদয় শ্মশান !

শূন্য বিশ্ব আজি মোর, শূন্য মোর সর্ব আশা,

আজি শূন্য—অবহু পরাণ ॥

তথাপি পাষণসম বসিয়া তাহার পার্শ্বে
 গত জীবনের সর্ব করি আবাহন,
 ক্ষমা ভিক্ষা সর্ব ক্ষুদ্র অপরাধ তরে আমি
 মাগিতেছিলাম ; কিন্তু, বিফল রোদন !
 এত অকুতাপ—এত লক্ষ হাহাকার,
 করিল না কর্ণে তার শক্তির সঞ্চার !

নিশির তিমির গর্ভে ক্রমে সাক্ষ্য অন্ধকার
 হইল বিলয় ।

জুড়িয়া আমার বক্ষ, অধু পরমাধু সর্ব,
 আসন্ন প্রলয়

করিতে লাগিল তীব্র নিরাশ-চীৎকার ।
 ভবিষ্যৎ ভাবি বক্ষে সর্ব হাহাকার
 রুদ্ধ করি রহিলাম ; গণি পলে পল
 কখন ছিঁড়িবে মোর আশার শৃঙ্খল ।
 গৃহ প্রাক্‌গণের সর্ব পরিপূর্ণ লোকারণ্যে ; —
 কত বন্ধু, প্রবাসী বান্ধব,—
 আনায়ে করিতে সুস্থ সাধ্যমত চেষ্টা করি,
 বাস্তু করিবারে যাহা যাহার সম্ভব ।
 আমি শুধু রুদ্ধশ্বাস পাগলের মত,
 এক দৃষ্টে রহিলাম চাহি অবিরন্ত
 সে চন্দ্রবদনে, বক্ষে, সর্ব অবলম্ব ।
 হুই দণ্ড পরে হায় কোথায় সে রবে ?
 হায় রে, ঘায়ার মোহ ! কখনো এ দেহ
 আমার বলিয়া আর এ জগতে কেহ

নাহি করে যেন গর্ব ;—মায়াই সংসার ।
 কেবা তুমি ? কেবা বিধে তোমার আমার ?
 আজি যেই বন্ধখানি, যে চারু নয়ন,
 শক্তিহীন—বর্ণহীন—মৃত-অচেতন
 নিস্তরু অচল আই সম্মুখে আমার,
 ও বন্ধের অদর্শনে কত হাহাকার
 করিয়াছি, কাঁদিয়াছি ! কত অশ্রুজল
 ঝরিয়াছে এরি তরে—দীর্ঘ অবিরল !
 যে চন্দ্র বদন ওই দক্ষ অচেতন
 রহিয়াছে প্রসারিত সম্মুখে আমার,
 ভুলি বিধে অশ্রু সর্ব, ভুলি আশ্রু, ও বদন
 উন্মত্তে রেখেছি বন্ধে কত লক্ষ বার !
 যে চারু নয়ন—হাসি-উৎফুল্ল সতত—
 লক্ষ্যহীন, এক লক্ষ্যে চাহি মুখপানে,
 প্রাণের ভিতর দিয়া মর্মে অবিরত
 প্রবেশি, করিত উভে একীবন্ধ প্রাণে,
 সে চারু নয়ন, কই, জাগে না তো আর !
 নিদ্রায় বিভোর, আজি চির-অচেতন !
 যে ম হাস্মান ওই সম্মুখে আমার
 রহিয়াছে, করিয়াছে তথায় গমন !!
 মস্তুর চরণ তার চলেনাকো আর ।
 ঘোবনের সে সৌন্দর্য্য-উন্মত্ত-বিলাস,
 কোথায় রহিল আজি—বন্ধ সমুত্ত—
 মদগর্ব অতিমানে গর্বিত উচ্ছ্বাস ?

ছিল পার্শ্বে ব্যস্ত তাঁর—কিসে অবিরত
 সমর্থ হইবে চিত্তে সাজ্জনা প্রদান
 করিতে ; সতত যার কাতর পরাণ
 হেরিলে যু'খানি কভু দুঃখকষ্টময়,
 পার্শ্বে আসি, দেবী সম, যেন বরাভয়
 করিয়া প্রদান, সুস্থ করিতে যতন
 করিত সতত করি আত্ম প্রাণপণ ;
 আজি সে সোণার রবি যায় ঐ অস্তাচলে !

আজি অস্ত শরদগগন
 আঁধার করিয়া ঐ সংসার টাঁদের আলো !

আজি শূন্য আঁধার ভবন
 হইবে মূর্ত্ত পরে ! বক্ষে করাঘাত
 করিয়া, মস্তকে যেন লক্ষ বজ্রপাত
 হইল, নিকটে আসি সজোরে তাহার
 “বউ” বলি উচ্চৈঃস্বরে করিল চীৎকার ।
 “বউ, ও বউ !” আর কে দিবে উত্তর ?
 কহিলু “কেঁদোনা, ওমা, (আর) হয়োনা কাতর
 ঐ দেধ যুক্তপ্রায় সম্মুখে তোমার
 রুহিয়াছে প্রাণাধিকা “লাবণ্য” আমার ।
 উহারে লইয়া কোলে বাঁচাও জীবন ।
 দেখিতে শুনিতে যেন মায়ের মরণ
 নাহি পায় । আহা ! ক্ষুদ্র প্রফুল্ল কুসুম—
 ঘুমাইত মাতৃবক্ষে কি সুখের ঘুম !
 বুঝিতে পারিলে, হায়, মায়ের মরণ,

হয়ত শোকের বেগে হারাবে জীবন ।

ঐ চিহ্ন,—ঐ শেষ,— রহিল মোদের তরে
জুড়াইতে বুক !

এতদিনে, মা আমার, সাজ হ'ল হাসি খেলা,
জীবনের সুখ !!”

করিলেন মা আমার আবার আহ্বান—

“বউ, ও ব—উ !!” কোথা ? কে আর প্রদান
করিবে উত্তর ? তব কাতর আহ্বান
শুনিবে উদাস বুকে উলঙ্গ শ্মশান !

“আহা ! কি রাখিয়া গিয়াছিছু আমি অভাগিনী !

আমার সাধের বউ, মা—লক্ষ্মীকুপিণী !

যদি জানিতাম ছিল কপালে এমন,

একাকী ফেলিয়া কভু করিতে গমন

নাহি চাহিতাম আমি ; হায়রে কপাল,

ভাঙ্গিল আমার সর্ব সুখের জাগাল !”

যথা পর্বতের দেহ হ'তে বারিধারা

ভাসাইয়া বক্ষ তার হয় প্রবাহিত,

অদূরে তেমতি ঐ দাঁড়াইয়া “দাদা” মোর,

রয়েছেন—যেন মূর্তি প্রাচীরে চিত্রিত ।

মুহুর্তে গস্তীরে বাক্য ফুরিল তাঁহার ;

বলিলেন,—“আর কেন ডাক বার বার ?

আমার সংসারলক্ষ্মী সপ্তসমুদ্রের পারে

দিতে বিসর্জন

তোমরা আনিয়াছিলে! কি ফল হইবে আর
করিলে রোদন ?

কিবা আর আছে ? কিবা আছে দেখিবার ?

কি ফল হইবে—কেন কর হাহাকার ?”

স্নেহময়ী মা আমার রহিলেন এক দৃষ্টে

আমার সে ভগবতী প্রতিমার প্রতি

চাহিয়া, অজস্রধারে বহিতে লাগিল অশ্রু ;

ক্রমে ধীরে ধীরে মোর দেবী—সাম্বীপতী

পতি অঙ্কে রাখি তার পবিত্র বদন,

ভাঙ্গিল সংসার ঘোরে নিশার-স্বপন !

ফুরাইল সব আশা,—ভাঙ্গিল সংসার !

ডুবিল অতলজলে সর্বস্ব আমার !!

গেল অস্ত সূখ-রবি ; অস্ত সব ভালবাসা ;—

আবালা-তাড়না-তিক্ত জীবনের সর্ব আশা !!

করি সর্ব বিসর্জন—অচল অথর্ব প্রায়

উছেলিত শোকভরে রহিলু পড়িয়া, হায়,

বক্ষে করি করাঘাত,—অর্ধনিমীলিত অঁাধি !

“অভাগিনী, কোন্ প্রাণে আমারে একেলা রাখি—

রাখি সর্ব যাতনার বিষময়—ভস্মশেষ—

করিলিরে পলায়ন ? কোথা সেই মহাদেশ ?”

বলিয়া, তাহারি কোলে আঙুরিয়া, বক্ষবান

বক্ষে রাখি, রহিলাম—শোক দুঃখে ত্রিয়মান !!

মা আমার বক্ষে করি অর্ধবৃত্তা বালিকায়,

ত্যাগিলেন সর্ব আশা বিসর্জিয়া সে শয্যা

যে শয্যার একপার্শ্বে জাগ্রত তনয় তাঁর
করিতেছে শোকবিদ্ধ অশ্রুপূর্ণ হাহাকার ।
ক্রমে নিশি গাঢ়তর, ক্রমে বক্ষ মোর
পাষাণে বাঁধিল পুনঃ কর্তব্য কঠোর ।
হায়, মোরা বাল্য-ইতিহাস
করি নাই কখনো বিশ্বাস ।

অদম্য অক্ষতাদক্স প্রমোদ বিঘোরে মত্ত
ছিলাম যখন,

বিশ্বের সব অণু স্বপনের মত ছিল ।

নবীন যৌবন

জানিত না বুদ্ধিত না মদিরমহুনে
জাগে কোন আশীর্ষক বিস্কৃত বিজনে ।
ভেলায় ভাসিয়া যায় সমুদ্রে অপার !
কণ্ঠ বক্ষ নিবন্ধন আনন্দ অসার ।
সেই পূর্ণচন্দ্র পূর্ণ উদ্যমে যখন
করিতে আছিল জ্যোতি শান্ত বিকীরণ.
তখন তাহারি পার্শ্বে অভ্র কক্ষঃ সম
দাঁড়াইয়া ছিল যঃদূত নিরমম !

অজানা জ্যোতিষী এক কোথা হতে এসেছিল ;

মোর শুধু প্রথম যৌবন—

সে আমারে বলেছিল আমার জীবন গ্রহে

ভবিষ্যৎ ঘটিবে এমন ।

বলেছিল যবে উনত্রিংশৎ বরষ

হইবে, এ জীবনের ভাঙ্গিবে স্বপন ।

ভাঙ্গিয়া পড়িবে শাস্তি কুটীরের বন্ধখানি ;—

বিজ্ঞান বিজ্ঞান দেশে করিবে গমন ।

সুখসুপ্ত তটিনীর—আনন্দ লহরী মাঝে

অপ্রার্থিত সত্য সেই ভবিতব্য তার,

ভাসিয়া ডুবিয়া তুচ্ছ ক্ষুদ্র ক্ষণিকের তরে,

অতলে ডুবিল ;—চিহ্ন রহিল না আর ।

স্মৃতি জাগিল আবার ।

যখন সংসার-পথে অবরুদ্ধ উন্নতির

নগ্নপথ করিয়া লঙ্ঘন,

চলিতে আছিল দ্রুত জীবনের কল্পপথে,

সর্ব আশা করি বিসর্জন,

দেখিলাম মূর্তি তাহার ।

আবার নবীন এক বিজ্ঞ বঙ্গবাসী

ব'লে গেল ভবিষ্যৎ ; মৃদুমন্দ হাসি

কহিল—“স্ত্রী-ভাগ্য তব—শ্রেণী-ভাগ্য আর,

রহিয়াছে সৌভাগ্যের সুচিহ্ন অপার ।

কিন্তু—” “কিন্তু” বলি নিরবিল ; তবু অনিচ্ছায়

কহিল আমার ভাগ্যে ঘটিবে যা । হায়,

শুনিলাম—সত্য বলি গাঁথি-লাম প্রাণে ।

আবার ভুলিহু সর্ব আনন্দের গানে ।

এইরূপে জীবনের লহরে লহরে

শুনিয়াছি একই গান । অকুল সাগরে

সত্যই সোণার-তরী ডুবিলে আমার,

ভাবি নাই বুঝি নাই কভু সে প্রকার ।

ক্রমে নিশি দ্বিতীয় প্রহর ।

স্বনীতল সুধাংশুকিরণ,
অনলের শিখাসম বালসিয়া নেত্র মোর,
উজলিল প্রাস্তর কানন ।

আর না—সহেনা—ধৈর্য্য মানেনা পরাণ রে ।

এখনি আবার
যেতে হবে বিসর্জিতে সুদূর গঙ্গার গর্ভে
প্রতিমা আমার !

বসন্তে মরেছে,—আরও ছিল গর্ভবতী ;
অনলে আহুতি দিতে নাই অনুমতি ।

চলিলাম গৃহ ছাড়ি নিস্তরু সহর দীর্ঘ
করি বিলোকন ।

স্বর্কমনবিমোহন সুকুমার দৃশ্য, সেও
ভয় প্রদর্শন

করিতে লাগিল মোরে । যেন উদাসীন
চলিয়াছি শূন্য-প্রাণে,—উদ্দেশ্য বিহীন ।

ক্রমে সুপ্ত সহরের ভেদিয়া প্রশস্ত বক্ষ,
রাখিয়া দক্ষিণ পার্শ্বে ভৈরবের ঘাট *
উত্তরিনু গাঙ্গোত্রীর বিশুদ্ধ সুনীল কোলে ;—
কি মহান্ ভয়াকুল সে দৃশ্য বিরাট !

* ভৈরব ঘাট—সহরের বাহিরে । এই স্থানে সাধারণের মরা পোড়ান হয় ।
মাহাদিগকে ডাসাইয়া বা ডুবাইয়া দেওয়া হয় তাহাদের জন্ত স্থান স্বতন্ত্র ।

ফেনপুঞ্জ-বিমণ্ডিত উদ্বেলিত শত মুখে
 উনমত্ত ভীতি প্রদর্শন
 যে জাহ্নবী করে যবে প্রাবৃটে জলদদলে
 অবিরল করে বরিষণ ;
 আজি সে জমনী-অঙ্কে নির্ধূর চলিছে মোরা
 অপবিত্র করি পদাঘাত । *

সফেন সলিল স্থলে সুনীল সলিলরাশি
 অপমানে যেন অশ্রুপাত
 করিতে লাগিল,—স্নান, ক্ষুধ, অবিচল ।
 পরাণের ছবি মোর শুদ্ধ অবিকল ।

সম্মুখে দিগন্তব্যাপী শুদ্ধ বালুকার রাশি,—
 যেন অচঞ্চল শ্বেত সমুদ্র মহান্,
 কি কঠিন বজ্রাঘাত-বিস্মৃত-কল্লোলভাতি —
 বজ্রগস্তীর-লুপ্ত-উন্মাদিত গান ।

হায়, মা-জাহ্নবী-দেবী, তনয়া তোমার
 চলেছে তোমারি বক্ষে । লও একবার
 যতনে তাহারে কোলে,—তোমারই সন্তান !
 স্মাজীবন শুদ্ধ চিতে কত দান ধ্যান

* শতের শেষে ও গ্রীষ্মকালে পশ্চিমাঞ্চলে গঙ্গা প্রায়ই শুকাইয়া যায় । এমন
 এক প্রায় স্থানেই হাঁটিয়া পার হওয়া যায় । এই সময়ে স্থানে স্থানে অনেক দূর ব্যাপিয়া
 স্নাতকস্পর্শী জলরাশি আবদ্ধ হইয়া থাকে । ঐ সকল স্থানের জল নীলবর্ণ হয় এবং
 সাধারণ প্রোক্তের সহিত মিলিত থাকিলেও অচঞ্চল ভাবে প্রবাহিত হইতে থাকে ।

করিয়াছে তব কূলে, মলিলে তোমার ।

লও আজি বক্ষ পাতি তারে আপনার ।

চলিলাম করি ভেদ বালুকা-সাগর,

কি এক মহান্ বন্ধ উন্নত আশ্বাসে ।

অবরুদ্ধ হৃদি দ্বার অণু সর্ব-দিক পানে ।

চলিয়াছি একলক্ষ্য । সুদীর্ঘ নিশ্বাসে

ভস্ম বুঝি হয়ে যায় পরাণ আমার,

অজ্ঞাতে অদৃশে বিশ্বে অণু সবাকার ।

যতদূর চলে দৃষ্টি তত দূর বালুকা-সাগর,—

শুল্কস্নাত জ্যোছনায় শুভ্র শান্ত সুদীর্ঘ প্রান্তর ।

জনহীন—প্রাণী হীন—বৃক্ষলতা-পরিশূন্য

সে শুভ্র সাগরে

হতাশ পর্যাণে শুধু হেরিলাম সবি স্নান ।

নিস্তরু কাতরে

ডাকিয়া কহিছে মোরে “কেহ্ কারো নয় ।

এই প্রকৃতির বক্ষে সর্ববিশ্ব লয়

হইবে—সময় যবে আসিবে যাহার ।

কর শান্ত চিত্ত তব ; কেন হাহাকার

করিতেছ দুষ্কপোষ্য বালকের মত ?

দক্ষ করিতেছ বক্ষ কেন অবিরত ?”

উর্ধ্বনেত্রে চাহিলাম সুনীল আকাশে ;—

কলঙ্কী চাঁদিয়া,—সেও নিল্লঙ্ক আশ্বাসে

ডাকিয়া কহিল মোরে “মূর্খ তুমি,
কিসের লাগিয়া

যাইতেছ আপনারে, জ্ঞান হীন,
আপনি ভুলিয়া ?

হে ঋ প্রকৃতির বক্ষ শান্তি স্মশোভায়
ডাকিয়া কহিছে সবে ‘আয় তোরা, আয় ।

এই আদি—এই অন্ত—এই খানে শেষ
স্বপ্ন-শান্তি-বিলাসের ঐশ্বর্য্য অশেষ ।

এই বক্ষে রাজা, সর্ববিশ্বজয়ী গর্কিত সম্রাট,
এই বক্ষে প্রজা—দীন ভিখারীর সাম্রাজ্য বিবাট
একীবদ্ধ রহিয়াছে । সব একাকার ;—

ধনী দুঃখী রাজা প্রজা শান্তি হাহাকার ।

চণ্ডালের পদরেণু ব্রাহ্মণের শিরে ;—

সতত পবিত্র সর্ব পবিত্র মন্দিরে ।

বিদ্যার মোহন স্বরে, জ্ঞানের চীৎকাবে,

স্বরণে অমর নাম জগতে যাহার,

অশিক্ষিত নিরক্ষর মূর্খ “নিগারের” পদে

বিলুপ্তিত এই বক্ষে মস্তক তাহার ।

যে গর্কিত পাষণ্ডের ভীম পদাঘাতে

পার্থপার্শ্বে অনাথের হয়েছে মরণ

শুধু এক মুষ্টি অন্ন ভিক্ষা মাগিবার তরে,

এই বক্ষে ঐ দেখ তার বিলুপ্তন

করিতেছে সর্বজন্ম ভিখারীর পদপ্রান্তে ;

সবি একাকার ।

সকল বৈষম্য-সাম্য সৃষ্টি-স্থিতি-প্রলয়ের
পবিত্র আগার ।

উদ্ভ্রান্ত—রূপের মোহে গর্কিত উন্মাদ—
করিয়াছে পশুসম কত অত্যাচার ;
এই দেখে বক্ষে মোর কুষ্ঠকৃত কদাকার
ঘোর পিশাচীর সনে মিলন তাহাৎ ।

বিলাসে, ঐশ্বর্যে, জ্ঞানে যতই গর্কিত,
এই এক কেন্দ্রে সর্ব বিশ্ব আকর্ষিত
হইতেছে নিশি দিন । এই ধ্যান-জ্ঞান ।
এই যোগ মুক্তি স্থিতি প্রলয় সংস্থান ।

এই বক্ষ বিশাল বিরাটে,
কত ব্রহ্মা, বিষ্ণু, মহেশ্বর,
কত জল-বুদ্বুদের মত
জাগিয়াছে, হয়েছে অস্তর ।

এই বক্ষে কত বেদ-বেদান্তের কতই ভঙ্গিমা,
তাপসের তপস্তার লক্ষ লক্ষ কতই রঙ্গিমা
উঠিয়াছে, উঠিতেছে, যুহুর্ন্তে বিলয়
হইয়াছে হইতেছে অস্ত ও উদয় ।
কোণী সূর্য্য চন্দ্র তারা দেবতা কিন্নর
উদিতোছে যাইতেছে অস্ত নিরস্তর ।”

* * * *

এমন সময়ে ত্রস্তে করিহু শ্রবণ

“বল হরি—হরি বোল” আহ্বান ভীষণ ।

রোমাঞ্চিত কলেবরে—ভীত প্রকম্পিত কণ্ঠে—
করিল চীৎকার.

নৈশ নিস্তরুতা ভেদি শোকভগ্ন বিলুপ্তিত

হৃদয় আমার ।—

“হরি বোল্—হরি বোল্—হরি হরি বল্” ;

যেন হরিধ্বনি সনে সকল সম্বল

ছাড়িয়া চলিল মোর । প্রাণের পিপাসা,—

আর না রহিল কিছু,—কোন ক্ষুদ্র আশা ।

আবার কহিহু উচ্চে সঙ্গীদের সনে

* “রামনাম সত্য হয়” শোকোত্ত্বাস্ত মনে ।

ক্রমে উত্তরিহু ঘাটে, জাহুবীর তীরে ।

এইবার আকাশ ভাঙ্গিয়া মোর শিরে

পড়িল ;—পড়িল যেন বহু শত খান ।

কি এক অচিন্ত্যবিষে জর্জরিত প্রাণ

হইল ! কি ঘাট এটা ? এ কি বৈতরণী ?

কে পার করিবে হেথা ? কোথায় তরণী ?

এই শেষ বার মুখচন্দ্র বিলোকন !

ত্রাসিত কম্পিত হবে ত্রস্তে উন্মোচন

* আমবা যেমন মরিলে, মরা বহন করিবার সময়, বা পোড়াইবার সময় হরিধ্বনি করি, হিন্দুস্তানীরা সেইরূপ “রামনাম সত্য হয়” বলে ।

করিলাম আবরণ—কি দেখিব আর ?
 দেখিবার রহিয়াছে কি বা বাকী তার !!
 বজ্র, তুমিও নিষ্ঠুর, বাম ! আমার মাথায়
 সংহারিতে লেশমাত্র রাখনি তথায় !!

দেখিলাম সে কাঞ্চনবরণ সুন্দর

হইয়াছে মসিময় কুমুদ কলঙ্কিত ।

সে বিমল জ্যোতি, কান্তি, প্রতিভার ছাঁবি,

আর নাই । আজি সর্ব হয়েছে অর্ধিত ।

আজি আর সে আমার আমি নই তার !

আজি শূন্য বক্ষ মোর,— ভুবন অঁধার !!

এই সেই মুখখানি,— যার দর্শন আশায়
 কাটিয়াছি কত নিশি বসি অনিদ্রায় !
 এই মুখখানি, যবে প্রথম মিলন,
 শুভদৃষ্টি আমাদের হইল যখন,
 দেখেছিলাম হৃদয়ের পরতে পরতে
 সার-সম জীবনের — অসার জগতে !!
 বুঝিলাম আজি বিশ্বে সকলি অসার
 সতত মায়ায় মুগ্ধ মানব যাহার ।

হইল হৃদয়ে সাধ তথাপি আদরে

দোঁখতে বারেক বক্ষে আলিঙ্গি তাহারে ;

রহিতে চাহিয়া সেই দক্ষ মুখ পানে

অনিমিবে—হৃদয়ের সরবস্ব দানে ।

কিছু নাই আর তার ! তথাপি মায়ায়
 লইয়া তাহারে পড়ি শৈকত শয্যায়
 রহিতে হইল সাধ—তাহারই মতন,
 বিসর্জিয়া সর্ব আশা ;—সর্বস্ব আপন ।

উদ্বেলিত বক্ষখানি হইল এবার
 উনমত্ত ;—হায় আমি কেমনে তাহার
 অত আদরের দেহ—অন্ত যতনের—
 বিসর্জিব, কি নিষ্ঠুর ! গর্ভে সলিলের ।
 পারিবনা ! নাহি দিব থাকিতে জীবন
 জীবনে জীবনে দিতে আমার বিজন !

সঙ্গাগণ দিল বাধা সহসা সে ধ্যানে ,
 কঠোর বজ্র সম বাজল পরাণে ,
 তাহাদের নিরমম পরুষ বচন,
 শুনিয়া ভাঙ্গিল মোর মোহের স্বপন ।
 দীর্ঘ তপ্ত শ্বাস সনে বিদ্যুতের সম
 নির্গত হইল যেন সর্বস্ব মম
 হৃদয় তহিতে মোর তাহারে দুর্বল
 করিয়া, হরিয়া তার সকল সম্বল ।

সম্বরিয়া হৃদি-বেগ ক্রমে, অনিচ্ছায়
 ভাসাইল সর্ব আশা বাঁশের দোলায় ।
 পরিপূর্ণ গঙ্গাজলে মাটির কলসি চারি
 বাধিলাম চারি কোণে অভিযেকে তার

শাক্ত-অভিবিক্ত হব কল্পনা করিয়াছিহু ;—
 আজি পূর্ণ হ'ল আশা সকলি আমার !!
 পূর্ণ কলসির ভারে, দেখিতে দেখিতে ক্রমে,
 জীবনের সার—মোর হৃদয়-পঙ্কর,
 বাশের দোলায় চড়ি—স্বর্ণ সিংহাসনে রাণী—
 অতলে পাতালে ধীরে হইল অন্তর !!

করিলাম বিসর্জন সর্ব জীবনের সুখ,
 সর্ব আশা.—সকল কল্পনা ।
 আমারে আপন বলে এ পোড়া বিশ্বের বক্ষ
 আর বুঝি কেহ রহিলনা !

দিলাম বিদায় জলে জীবনের সর্ব সুখ ।
 ক'হু আর না হেরিব সেই চাকু চন্দ্রমুখ !

* * * * *

যাও প্রিয়তমে, লক্ষ্মী, সংসার আমার !
 শূন্য করি যাও আজি বক্ষ সবাকার !!
 যে পবিত্র মন্দিরের শুভ জ্যোতির্ময় দেশে
 নিরমিবে গৃহ আপনার,
 তোমারি আসন পাশে হেন রূপে যেন, প্রাণ,
 গতি হয় সে দেশে আমার ।

নহ পত্নী মাত্র আজি, তুমি পিতা মাতা ।
 তুমি ভ্রাতা, ভগ্নী, বন্ধু,—তুমি শিক্ষাদাতা ।

ছিলে মোর চিরকাল অনাথ এ জীবনের
একমাত্র দক্ষ কর্ণধার ।

তোমার বহিত্রে রহি, চাহি তব মুখ পানে,
ভুলেছিছু সকল সংসার ।

আজি মোরে আনি এই অকুল পাথারে,
কোথায় চলিলে ? ওগো, একবার ফিরে
চাও মোর পানে ; আমি জিজ্ঞাসি তোমায়,
কি রূপে যাইব বহি বাহিত্র কোথায় !

প্রিয়তমে, প্রণিপাত পরাণে তোমার !
“প্রান্ত”রে লইও বক্ষে শুধু একবার !!
বিদায়, বিদায় প্রিয়ে ! বিদায় !! বিদায় !!!
প্রতিধ্বনি উত্তরিল হায় ! হায় !! হাব !!!

* * * *

ধীরে উঠিতেছি তীরে অবশ চরণ ।
আর নাই শক্তি পদে করিতে গমন ।

সহসা প্রবল বেগে ছুটিল শোণিত-শ্রোত
শরীরে আমার ।

স্বপ্ন-দৃশ্য সত্য রূপে বিজ্ঞান শ্মশানে আমি
দেখিছু এবার ।

আজিও পরাণ কাপে স্মরিতে সে কাল-দৃশ্য
ভীষণ দর্শন ;

সহসা শিহরি উঠি রোমাঞ্চিত কলেবরে
 যবে বিলোকন
 করিলাম ঠিক সেই—উচ্চ পাহাড়ের মত—
 অতি উচ্চ বালুকার চড়,
 স্বপ্নে যথা হয়েছিল স্নান করিবার স্তরে
 ভীত বক্ষে দ্রুত অগ্রসর ।

সেই ঘোরা কৃষ্ণানদী—বিজ্ঞান প্রদেশে
 ঠিক যেন মসিমাখা যমুনার জল ।
 মুহূর্তে কাঁপিল বক্ষ, কাঁপিল চরণদ্বয়—
 আঁধার দেখিছু সর্ব — বিশ্বের সকল !

তীরে উত্তরিতে দৃষ্টি পড়িল আবার
 নদীর অপর তীরে ; অমনি চীৎকার
 করিয়া উঠিল জলচর পক্ষীগুলি ।
 স্বপ্নে ঠিক শুনেছিছু, যাই নাই ভুলি,—
 আঁবকল এই স্বর—এ হেন চীৎকার,—
 দেখেছিছু হেন দৃশ্য বিভৎস আকার ।

বিছাতের বেগে তীরে উঠিয়া ছুটিয়া
 ধরিলাম সঙ্গীদের বক্ষে আলিঙ্গিয়া ।
 কাঁপিতে লাগিল বক্ষ মস্তক চরণ,
 পূর্বাপর ভীম দৃশ্য করিয়া স্মরণ ।
 নারিলাম এক পল তিষ্ঠিতে তথায় ।
 প্রাকুল উন্মত্ত প্রাণে লইছু বিদায় ।

স্বপ্নে মোরে এই দৃশ্য দেখাইয়া বিধি,
 জ্ঞাতসারে হ'রে নিল মোর বক্ষনিধি !
 অবিকল এষ্টইল স্বপনে আমার
 দেখেছিলু ; স্বপ্ন আজি হইল সফল ।
 আজি করি পদাঘাত উন্নত মস্তকে মম,
 হরিল ছরন্তু কাল আমার সকল !!

গৃহশূন্য আজি আমি—শূন্য সর্ব আশা—
 বিসর্জিয়া চলিলাম সর্ব ভালবাসা !
 এত দিনে আজি মোর ভাঙ্গিল স্বপন ।
 জীবনের এক অঙ্ক হ'ল অভিনীত ।
 প্রলয় কালের গর্ভে করি সন্তরণ,
 বিসর্জিলু বক্ষে তার সকল অতীত !

* * * *

নাহি জানি কোন্ ঘাট, কি নাম ইহার ।
 এই মাত্র জানিতাম নিকটে তাহার
 বিঠুর—বিখ্যাত ধর্মআদিবিদ্যালয়,
 বাল্মিকীর তপোবন আছিল যথায় ।
 বিঠুর নানার * নামে আজিও জাগ্রত
 জগতে সবার চিতে আছে অবিরত ।

এই সেই বন ;—

গর্ভবতী জানকীরে নিদ্রিতা যে বন-প্রান্তে
 রাখিয়া লক্ষণ

* সিপাহী বিদ্রোহের "নানা সাহেব"

শূন্যপ্রাণে একা ফিরি রাজ্য অযোধ্যায়
 গিয়াছিল, অভাগিনী, উনমত্ত-প্রায় ।
 আজি হতে “সতীঘাট” আমার ইহার নাম ।
 আমার সীতারে আজি করি বিসর্জন
 চির-বনবাসে—এই বাল্মিকী-আশ্রম-পাশে—
 আমি—শূন্যপ্রাণে শূন্য বিশ্বে করিব গমন
 একাকী—সহায়হীন—ভিখারীর প্রায়
 ভরিয়া ভিক্ষার বুলি অশ্রু-যাতনায় !!

হায়, গর্ভবতী—সতী জানকী আমার,
 রূপে গুণে সমতুল্য সমান তোমার
 অতি অল্প দেখিয়াছি—আমার জীবনে ।
 কি যেন কি পুণ্যফলে—কত আরাধনে
 পেয়েছিলাম তোমা হেন রমণী-রতন ।
 আজি গাঙ্গেত্রীর জলে সর্ব বিসর্জন
 করিয়া চলিলাম আমি পথের ভিখারী,
 তব পরিত্যক্ত পথপ্রাস্ত অনুসারী ।

আজি— পড়ে মনে জীবনের দীর্ঘ-পূর্ব-সুখ-স্মৃতি ।
 পড়ে মনে অতীতের ম্লান অত্যাচার ।
 পড়ে মনে তব সনে বসি, এক মন-প্রাণে
 কত দীর্ঘ করিয়াছি আশার সঞ্চার !!

আজি পূর্ণ সর্ব আশা সকল কল্পনা, প্রাণ,
 চিরকাল তোমার আমার ;


উদাস পরাণে উর্দ্ধে চাহিয়া কল্পিতে আশা
বাকী কিছু রহিল না আর !!

* * * *

সুখে থাক—সুখে থাক—সুখে থাক তুমি, মোর
জীবনের ধন ।
আসিব—আসিব আমি, লইও আমারে বুকে
করিয়া যতন ।

ভুলে যাও. ভুলে যাও যত অপরাধ আমি
না বুঝিয়া করিয়াছি, হায় !
ক্ষমা কর—ক্ষমা কর সর্ব অপরাধ মোর,
আজি মোরে দেওগো বিদায় !!

আজি হতে তুমি মোর পত্নী নহ, অয়ি দেবা,
আজি—তুমি দেবতা আমার ।
তোমার সাধন-ধম্মে—সর্ব অন্য ধর্ম আমি
আজি হতে করিব সংহার ।



मन्दिनी-सम्पादनक—

श्रीआशुतोष दश पुत्र, महलानवीश प्रणीत

अग्रान्य ग्रन्थ :-

- १। पूजा—(दर्गापूजा सहस्रे आध्यात्मिक तथ्यपूर्ण उद्देश्ये कृत) मूल्य १० आना ।
- २। टीयानाकौ—(उपकथा) यद्ग्रन्थ । शीघ्रै प्रकाशित इहैवे ।
प्राचीन उपकथा सुमार्ज्जित भाषा चिन्ताकर्षक नवतावे सज्जित । अनतीतसोऽश्वत्थे एकटी बालक किरूप अद्भुत कोशले बुद्धिमान् इह इहैते पितृराजा उद्धार करिष्ये समर्थ इहैयाहिल ताहा पढिया सुखित इहैवेन । मूल्य १० आना मात्र ।

प्राप्तिस्थान :-

- (१) मन्दिनी कार्यालय, शिवपुर (हाण्डा) ।
 - (२) कर्मयोग प्रेस, ४२२ तेलकलघाट रोड, हाण्डा ।
-

